

No. 153.

Neudrucke deutscher Litteraturwerke
des XVI. und XVII. Jahrhunderts.

Flugschriften aus der Reformationszeit. XIII.

Thomas Murner

An den grossmächtigsten und durchlauchtigsten,
Adel deutscher Nation.

Herausgegeben

von


Ernst Voss.

STORAGE-ITEM
AIN - LPC

P9-F21G
U.B.C. LIBRARY

Halle a. S.
Max Niemeyer.
1899.

11749
G8



Library
of
The University of
British Columbia

Flugschriften aus der Reformationszeit. XIII.

Thomas Murner

An den grossmächtigsten und durchlauchtigsten
Adel deutscher Nation.

1520.

Herausgegeben

von

Ernst Voss.

Halle a. S.

Max Niemeyer.

1899.

Neudrucke deutscher Litteraturwerke des XVI. und XVII. Jahrhunderts,
No. 153.

Einleitung.

Thomas Murners satirisch-didaktische Dichtungen liegen uns heute mit einer einzigen Ausnahme (Von den 4 Ketzern) in guten kritischen Ausgaben vor, die auch denjenigen zufrieden stellen werden, welcher sein Augenmerk in erster Linie auf die Sprache des streitbaren Mönches richtet.

Von Murners grösseren Prosaschriften, die wohl imstande wären, sein Bild, wie es uns in den Litteraturgeschichten und Monographien begegnet, bedeutend zu seinen Gunsten zu modifizieren, ist bis dahin nichts neu gedruckt worden. Der vorliegende Neudruck will diesem Mangel abhelfen, und nach Aufnahme in diese Sammlung dürfte er einer Entschuldigung nicht bedürfen.

Murners Schrift „An den Groszmechtigsten vnd Durchlüchtigsten Adel tütscher nation“ ist die unmittelbare Antwort auf Luthers „An den Christlichen Adel deutscher Nation“ (Neudruck No. 4, hg. v. W. Braune, 2. Aufl. 1897) und erschien wie diese im Jahre 1520. Sie wurde gedruckt von Johannes Grieninger in Strassburg. Goedeke's Grundriss² II, 218 verzeichnet von dieser Schrift Murners nur ein Exemplar, dasjenige der Berliner Königl. Bibliothek (Cn. 4702). Nachgetragen sollten 2 Exemplare werden, von denen sich das eine auf der Hamburger Stadtbibliothek (O. A. IX. No. 2192 n.), das andere im British Museum, London (3906. h. 67.) befindet. Beide Exemplare decken sich vollständig mit dem Berliner Exemplar, welches diesem Neudruck zu Grunde gelegt wurde. Dasselbe enthält 10 Bogen in 4^o, mit den Signaturen A--K.

In dem Neudruck sind die Abkürzungen des Originals aufgelöst, durchweg im Anschluss an die von Braune in seiner zweiten Ausgabe von Luthers Schrift „An den Adel“ befolgten Grundsätze. Im übrigen bin ich dem Originaldruck genau gefolgt. Das Titelblatt, sowie die erste Seite des Originaldruckes sind diesem Neudruck in photographisch getreuer Nachbildung, allerdings auf $\frac{1}{4}$ der natürlichen Grösse reduziert, beigegeben. Für die Besorgung der photographischen

Nachbildungen, nach welchen für den Druck Zinkätzungen angefertigt wurden, bin ich meinem Freunde, Herrn Dr. Hans Möller in Hamburg, verpflichtet, welcher auch eine Korrektur des ersten Bogens zu lesen die Güte hatte. Die Seitenüberschriften des Originaldruckes schwanken. Sie erscheinen entweder als Von dem teuffchen adel (so auf Seite A₂, A₃^b, A₄; B₁, B₂^b, ganz durch D, F u. H, sowie auf K₁^b, K₂, K₃^b, K₄) oder als Von dem tüttchen adel (A₂^b, A₃, A₄^b; B₁^b, B₂, B₃^b, B₄, ganz durch C, E, G und auf Seite K₁, K₂^b, K₃). Auf Anraten des Herausgebers dieser Sammlung sind sie wegen ihrer schwankenden Form in dem Neudruck ganz weggelassen worden.

Die folgenden Druckfehler des Originals¹⁾ habe ich verbessert: 3₂₈ ewangelaumß, 4₂₂ veranewurten, 4₂₅ billichet, 6₂₈ ba= trachtung, 6₃₈ unwarhafftige, 7₁₀ behilffleich, 8₁₇ hettteft, 9₈ ga= raten, 10₈ A₃] B₃, 10₂₆ götlichen, 11₃₅ dein, 18₂ vñ] vnñ, 18₂₄ ge= fangen, 20₂₅ vnd, 21₃₃ den, 21₃₈ beschirmung, 22₁₅ peeßonen, 24₁₉ seit] seint, 24₂₄ verluhen, 25₃₂ soft] solt, 26₁₃ krrafft, 28₂ daß] daß, 28₁₀ iren] irren, 29₉ jündent] jündet, 29₁₀ vdn] vnd, 30₂ chriftenleit, 30₃₁ betreffen, 30₃₄ anuerbotten, 31₁₀ erwecker, 31₁₁ scheidworten, 32₄ schreiber, 32₂₃ oserlich, 32₂₇ dieifaltigkeit, 34₁₅ gehoffen] geholffen, 34₁₆ verßper, 34₃₁ gemeinenen, 35₃₄ Bap= liche, 36₁₀ gelchrift, 37₁₅ eintchrift, 39₁₂ fteren] feten, 39₂₈ thün] thün, 39₃₉ biltschöff, 40₄ zwißchten, 41_{25/26} verteriben, 41₃₂ euanglio, 42₁₅ darpffer, 47₁₅ abgdeteren, 48₃₉ gßßer, 50₂₇ tugendenden, 52₁₀ ich] ch] daß] v] ich] vch] daß, 53₄ iüngstan, 55₂₉ gluuben] glauben. 57₁₄ erdrffnen.

In dem Neudruck bitte ich zu verbessern: 4₅ famili= ariter] familiaritet, 7₂₉ iu] in, 11₂₆ der] weder, 26₃₂ bapft] bapftß, 27₂ Peter] Petro, 28₂₂ würdendwie] würden wie, 28₂₃ er] der, 34₃₀ ihrer] irer, 38₂₀ zu] zü, 50₁₄ Keßer] Keiser, 55₆ alß] alß.

Ich beabsichtige, dieser Prosaschrift Murners, vielleicht seiner bedeutendsten, die übrigen aus dem grossen Jahre 1520 bald folgen zu lassen, zunächst seine Schrift: Von dem babstenthum, das ist von der höchsten oberkeyt Christlichs gläuben wyder doctor Martinum Luther. Strassburg 1520.


Madison, Wis.

U. S. A.

Ernst Voss.

¹⁾ Die Citate nach Seiten- und Zeilenzahlen des Neudrucks.

An den Groß-
mechtigsten vnd
Durchlüchtigsten adel tüt-
scher nation das sye den
christlichen glauben be-
schirmen, wyder den
zerstörer des glaubens
christi, Martinum
luther einen verfe-
rer der einfel-
tigen christen.



[A₂] Dem aller durchlütigsten Großmchtigsten fürsten, vnd herren, herrn Karolo erwelttem römischen keiser, Hispanischer vnd. x. maiestadt. x.

Durchlütiger großmchtiger fürst vnd her, Es ist von vrsprung des römischen reichs, des du ieg durch gots fürsichtigkeit ein fridsamer kaysler, vnd gebieter erwelet vnd gesalbet bist, solches dein reich von offentlichen finden nie schadlicher angefochten worden, dan ieg zü disen zeiten. Syttenmal daz Catilina (ich mein doctor Martinum luther) ist von den dodten erwecket wider zü menschlichem leben kummen, vnd dar die aller edlifesten gemiet deins reichs zü burgerlichen vffrüren vnd nidergang ires eignen vatterlands erwecken, den vatter wyder seine kind, brüder gegen brüderen, vnderthonen zü gegen irer oberkeit, alle ding der massen zü verwicklen vnd vermischen, das weder bapst, keiser, künig, bischoff, bader, oder sünhirt nit mer sollent vnderscheidet werden, ein vngewone sach allenthalben, wo güte sitten, berden, zucht, ere, ordnung, frid, fröb, vnd müit, auch alles wol-faren sollent geiebet vnd gehalten werden. Vnd vff daz solches best schedlicher vnderstanden werd, würt vnser christlicher glaub für ein deckmantel fürgewendet, als ob sich solche vffrür, ernüwerung, vnd verendrung, in krafft christlichs glaubens gebüren welle zü thün vnd vnderston, da=[A₂^b] durch auch göttlich gebot erfüllet, recht, vnd in keinen weg gesündet sei, sunder des füg glimpff vnd eere haben vß gebot erlaubniß vnd nachlassung christlicher lere vnd des heiligen ewangeliums, also listig habent sie das göttlich gesatz in behilff ires bösen vnd vffrierigen für-nemmen, können an sich ziehen vnd vff iren nutz ver-fieren, wie der böß tüffel in ein engel des liechts, vnd die vnwarheit in schin der warheit transformieret, vnd verstatet, do mit den nideruerstendigen in ire hilff zü ver-fieren. Das sie auch des nit on gewalt durch zütrucken vergebens vnderstanden, dem durchlütigsten adel deütscher nation ein solchs specklin vff die fallen gebunden, vnd das helmlin vnder der nasen gezogen sie reifig zü machen, vnd inen beistendig zü sein, mit dem gefrißlet zü erwecken, wie

der römisch hoff mit gelt beschwerden daz deütsch land erschöpffe, vnd vnser vermügen der massen vffüge mit annaten, vj. monnaten pfründen zü verleihen, mit andren listen die pfründen an sich zü ziehen in krafft des dots eines der vff dem weg gen Rom stürbe, oder der familiariter, vnd deütsche Cardinel zü machen, vnzelich güet von dem palium zü nemmen, vnd für die bestetigung der Bischöff, auch coadiutores zü machen, reich aptien in commenden zü beuelhen, vnleidliche pfründen leidlich zü machen, zü incorporieren vnd vereinigen, administratores zü setzen, Reseruata vor zübehalten, Pectoralem reseruacionem zü erdichten, mit pfründen kauffen, verkauffen, wechseln, tauschen, rauschen, mit liegen, triegen, rauben, stelen, brachten, hürerey, büberey, allerley weiß gots verachtung, mit manch- [A₃]erlei schinderey, ablaß zügeben, jelen vß dem seg feür zü verkauffen, ablaß brieffen, dispensieren, butterbrieffen Confessional. 2c. Vnd silen dergleichen so hoch angeklaget würt in einem büch der deütsch adel genennet, würt deiner Keiserlichen, Hispanischen vnd 2c. maiestadt, in aller demietigkeit zü verstanden geben, daz wir solche fürgewante mißbruch vnd vndadten, wo im also were nit vnderstond zü verantwurten, dan wir des kein beuelhe haben noch bericht von hepstlicher heilikeit, in eincherley weg zü verbretten oder zü beschönen, dan wir wol ermessen kinnen vnd verston, daz sich niemans billicher beclage, dan der da leidet vnd beschweret ist, Aber daz klagent wir deiner durchlüchtigsten genaden maiestat vnd christlichem herzen, mit sampt den durchlüchtigsten Churfürsten, fürsten vud herrn geistlich oder weltlichs stats, das solche beschwerden der deütschen nation durch Martinum Luther ein warhaftigen Cathelinam vnd on zweiffal ein zornigen vnbesintten man, mit solchen vngeischichten, vnchristlichen vnd vnwarhaftigen mitlen fürgeschlagen werden, das niemans zwifflan mag, er nem solche beschwerden des römischen mißbruchs, fur ein behilff, vnd ein specklin vff die fallen vnd zü einem deckmantel, vnseren christlichen glauben vmb zü kören, sieglic sein gifft vß zügießen vnd huffisch, wicklöffische botschafften zü verkünden, mit den böhemen, moiscouiteren zü vereinigen, ein hantfoll leit vff daz er

vnß von aller andren cristenheit die on zal ist, absündre,
 lerne ein küngrich zü einigen, vnd ein ketserthüm zü ver-
 lieren, ein vnfiniger mensch der bapst [A₃ b], keiser, bischoff,
 vnder, ober, sampt der ganzen karten, der massen stot zü
 vermischen, das kein erwürdigs angeficht eincherlei ordenung
 in christlichem glauben erfunden werd so doch vß kriegs-
 leüffen erfahren ist, daz nidergang der ordenung ein sal sey
 ernstliches fürnemmens. Darumb deiner durchlüchtigen
 maiestat, demietig fürgewendet würt, mit sampt allem
 deinen durchlüchtigen adel, christliche augen vff vnseren
 glauben zü werffen, in dem wir verhoffen selig zü werden,
 behilffliche hend an zü schlagen, vnser götlich vnd väterlich
 gesaß durch Cristum Jesum vnseren herren zü beschirmen,
 vnd denen bösen radtgeben, in solchem nit wilfüren, vnd
 in allen andren darin christlicher gelauben möchte gelezet
 werden. Erstlich gebiete daz sich diser Chatelina mit sampt
 seinem anhang, massen vnwarhafftige irrungen zü erwecken
 den glauben in christlicher krafft lassen rüwen vnd beleiben,
 ein zimliche bit mit beiden oren von einem christlichen
 Keiser zü erhören, vnd so sie daz nit wellent gethon haben,
 sunder christlich geredt, vnd solche nünwe sunnd vnd er-
 nüwerung billichen erwecket, solches durch dein grosse macht
 zü rechtfertigung für den gelörtsten des glaubens kumb,
 vnd zü verhör und vßspruch, allein mitler zeit dissen vff-
 rierigen nit gebüre hanß karsten vnd die vnuerstendig
 gemein so bald zü bösem alß gutem anzüzünden, vnd in
 schellige flammen zü bewegen, vnparthäische richter zü setzen,
 welche zü erwelen, niemans billicher dan dir zü ston wil
 in kur vßzüsprechen vnd zü verordnen, mit nammen, so
 dise vffrierigen, süne des vnfridens hederman argkwenig
 erachten, vnd in mißtruwen allen [A₄] winde förchtent von
 einem vff daz ander appellieren biß vff das iungste gericht,
 daz sie mitler zeit, mit verhengktem zoum vnseren glauben
 mit irem giff vnder dem honig verkaufft durchrennen vnd
 zertrennen mögen. Welche christliche bit vnd billiche hoffnung
 in dich einen christgleübigen, menschlichen, vnd angeborner
 art gütigen fürsten vß östereich, so du zü herzen ver-
 fasset, vnseren glauben deine vnd vnser alle seligkeit be-
 schützen würdst vnd beschirmen, da mit deines anherren

Maximiliani vnserß on sein gewonliche titel, lieben, fründlichen vnd vetterlichen künig art, ader vnd gemiet nachfolgent erfüllest, in die füßstapffen deiner frummen elter vnd vorfaren drittest, Ich geschweig gottes gebot daran diegest, dir in das ewig leben erschüßlich vnd zu dem ewigen keiserthüm dienent.

Seint darnach zu dem andren (so christlicher glaub (als vnser augapffel) vngelehet belibet, etliche beschwerden, bürden, vnd vnleidliche tiranney der deütschen nation zu nidergang vnd verderpniß erdichtet, das sei von wem es wel vff erden gefreuelet vnd vnderstanden, wel dein Keiserliche maiestat vnd genad, mitsampt den durchlüchtigen Churfürsten nach gelegenheit der sachen zu hilff kummen, trost, stür, vnd hilff beweisen, von wegen der erschöpfften hoffnung zu deiner fürsichtigkeit entpfangen.

Vnd zu dem dritten doctor Martinus sachen, seine spen, zend, vnd häder, erstlich von der sachen des glaubens absünderen. Zu dem andren auch von dem fürnemmen vnd anlagen der hepstlichen mißbrüch, das also die sach vnseren glauben betreffen, von gesetzten [A,^b] richteren von deiner gnaden ein richterlichen vßspruch vor allen dingen erlange.

Darnach zu dem andren, in den sachen der mißbrüch durch deine fürsichtigkeit mit sampt den durchlüchtigsten Kurfürsten erkennet werd. Vnd zu dem letzten doctor Martinus zend vnd häder auch richterlich lüt klag vnd antwurt hingeleget werden, nach deiner genaden gelegenheit, erkentniß vnd betrachtung, ob solches durch ein Concilium, oder sunst in andre weg, mieg, größeren kosten vnd schaden zu vermeiden geschehen mög, vnd vff daz geschicklichst vnderstanden werde. Vß welcher vnser christlichen vnd demietigen bit dein Keiserlich genad erachten mag vnd erkennen, das wir als geborne deütschen auch kein gefallen daran haben, wo vnser vätterlant der massen solt vnbillich erschöpffet werden, es wer doch von wem es wöll, allein daz zu herken fassen, was recht sei zu thün, rechtlich geschehe, on solche vffrüren, lehung vnserß glaubens, vnwarhafftige reden, sunder durch geschickte mittel durch deine fürsichtigkeit solche sachen ermessen werden. Dan seittenmal

der mererteil obgenanter mißbruch vnd beschwerden allein die pfaffheit betreffen, ire mentel bezalung, befestigung der bischöff, verordnung der pfründen, coadiutorien, abbatien, commenden wie nach der leng vnlangß erzelet ist, wellent die hochuerstendigen ie vermeinen, es welle dir alß einem weltlichen keiser, billicher gebüren, erstlich vnd vor allen dingen die sachen das gemein reich betreffen, stett land vnd leüt zü besetzen, in friden vnd fürsichtiger ordenung, dan gleich anefenglich [B₁.] alß ob du allein der pfaffen keiser erboren vnd gesalbet inen behilfflich (vnd silicht mit des ganzen reichs kosten) vffzwischen soltest, das sie ire mentel deß wolfeiler kaufften, vnd ire pfründen leidlicher mit einander deileten, wil hie erachtet werden, das solches noch wol kumpt, wen daz korn zeitig würt, geben wir deiner keiserlichen genaden vnnnd fürsichtigkeit alles zü er-messen. Allein wie vor vnserere demietige bit ist, vnserere christliche warheit vnd gelauben zü beschirmen vnd beschützen, vnd vngelehet zü verhieten.

Seint darnach andre hendel vnseren glauben nit betreffen, alß daz zü sil münch vnd pfaffen seient, vnd das ir stat der christenheit nit not noch erschüßlich sey, vnd daz man etlich kirchen vnd kloster zerstöre, vnd sil andre der gleichen, geschehe darin nach erkentniß deiner gnaden fürsichtigkeit vnd gemeiner christenheit, dan wir ie kein andre meinung in disem biechlin für vns haben, dan vnseren christlichen glauben zü verfechten vnd niemans seiner mißbrüch zü verantwurten. Das wir aber weder Martino luther noch iemans anders mit der vnwarheit nichts begeren zü zulegen, wellent wir iu disem biechlin seine irrung deiner keiserlichen genaden entdecken, vnd darüber antwurt allein geben, dan wider in zü arguieren habent wir vns in andre biechlin vorbehalten, vff daz in solcher red vnd widerred dein keiserliche genad dazwarhafftigst mög ermessen vnd vßsprechen, welche deine genad bitten wir got daz er sie vnß lang in friden vnd freiden verleihe. 2c.

[B₁^b]

Ein vorred zů Doctor
Martino luther

Es solte sich dein billich (Martine luther) gemeine christenheit erfreüwen alsß eins besunderen gelerten mans, wo du deine kunst vnd durchlüchtige vernunfft, nit brüchtest zů nidergang deines vatterlants, vnd zerstörung vnserß glaubens vnd vetterlichen gesages, auch mit dem schwert der geschrifften leztest dich so bald alsß iemans anders. Darum, wir für solches ere erbieten, so wir dir deiner vernunfft halb pflichtig weren zů beweisen, vns leider gegen dir alsß einem abgesagten findt erwerben müssen, vnd briederlichen lentlichen gunst, in ein vngunst verendren, wider vnserß herzen willen, dan wir ie lieber dein lob, ere, vnd briß, alsß eins gebornen deütschen vnd geschickten mans sehen vnd fürdren wolten, dan dein schand, wo du nit also mit vngeweschnen henden in dein vnd vnseren christlichen glauben gegriffen hettest, vns verursachet zů beschüzung der warheit, keiser, künig, fürsten, vnd herren wider dich an zů rieffen, so du dich nit schammest vnseren frummen Keiser vnnnd allen durchlüchtigen deütschen Adel an zů rieffen, zů beschirmung deines vnwarhafftigen, vffrierigen, vnfinnigen, vnd freuel-schelligen fürnehmens, hettest sie wol zů grösseren eren gesparet, dan daz sie dir hilffen, deine vnchristliche lügen zů bestetigen, vnd dein vnuernünfftigs vnerlichß vnderston durch zů drucken, dich selb zů einem ratgeben gemacht, wider [B₂] den alten spruch, so du von niemans darzů erbetten bist, vnserem iungen frummen blüt vß östereich vnd angonden Keiser, schellig, gleich angonds vnd in anefang seines reichß geradten dem bapst zwo kronen zů zucken, er hab noch mit der dritten genüg vnd nur zů fil, alle Cardinel ab zů thün, es sei gnüg mit xij. kirchen, klöster zů zerstörung. alles geistlich recht ab zů thün, vnd ein radten hauffen daruß zů machen, daz kind mit dem bad vßzüschnitten, künw mit dem kalb zů mezzgen, ein warmen anschlag, freilich in der batstuben geschehen, daz er also hizig vßhin geng, mit dem iungen adel künig Roboam in anefang seines reichß geraten ein vol streng lauffent

wasser vnd den ganzen Rein geweltig eins maß zů wider-
treiben stich, mörd, hauw, schlag, oben vß vnd nienent
an, nicht dan ein schelligen, vnsürchtigen kopff erzeiget,
dem billich niemans volgen sol, er welle dan land vnd
leüt verderben, also daz ich festegklich gelaub, hettestu der
österreichschen fürsten angeborne art gewißt vnd erkennet,
du würdest vnserem fridsamen blüt vß Östereich solcher
vffrüren nit geraten haben, dan sie zů blütvergießen nie
neigung hetten, es mieste dan sein wyder iren willen, vnd
solches wiltu als ein hoffnar, vnd in narren weiß gethon
haben, iuffs beding von einem geistlichen man in solchen
sachen die leichtfertigen wörter zů treiben, vermeineßt wo
du sil verwirens, vnwarheiten, schmachbeweifung vß ge-
goffen habest, als dan hettestu iederman die schellen an-
knipffet, vnd wie Erasmus Roterdam . der auch in der
gestalt eins narren die warheit redte dan daz es dir nit
so wol als im angestanden ist, darumb dir als einem narren
wie Salomon [B₂^b] spricht sol billich nach deiner narrheit
geantwurt werden, vff daz du dich nit für einen weisen achtest,
dan deine gewonliche tittel als einen doctor vnd geistlichen
man, hettent wir dir billich geben, wo du dich nit in einen
narren transformieret hettest, Darumb vns gebüren wil
dem narren seinen kolben zů zeügen, dan dir in warheit,
solche narren weiß ie vbel an stot, daß du Julium den
bapst ein blütsuffer nennest, vnd den ieszigen bapst mit
den seinen ein dieb, ein lecker, hüben, vnd deren gleichen
schmeheliche wörter, vnd hippenbiebsche, dan wa du ie
etwas wider in vermeintest zů haben, wer dir eerlicher,
geistlicher, züchtiger, vnd frümlicher angestanden, yn mit
seinem gewonlichen nammen zů melden, vnd deine klag
wider yn mit christlicher messigkeit für zůtragen, an ort
vnd end da solches möcht gebesseret werden, vnd dir
geholfen. Wilt vnseren iungen vnd angonden Reiser
vnd regierer vfferwecken, wie du sagst wider die fürsten
der hellen, vnd nennest daz ein spil, welches so es
nit mit gottes forcht angefangen würd die ganze welt
in dem blüt schweben solt, du wilt vns ie zů einer
grossen vffrüren bewegen, ich sihe aber niemans der
deinem sturm zůlaufft, spieß oder hellenparten zucke, oder

so du vnſinnig biſt der mit dir wel ſchellig werden, Alß freilich die wol wiſſen, daꝝ alles ſo du fürwendest zů reformieren vnd beſſeren on alle vffrůr, mit der zeit vnd mit gůter müſſen durch fürſichtigkeit vnſers edlen Keiſers vnd vnſerer Churfürſten mag gebeſſeret werden, vnd in ein leidliche form vnd geſtalt verordenet.

Darumb wir es genzlich dar für haben, das du den [B₃] obgenanten fürſten vnd herren ein klein gefallen beweijeſt das du also die gemein vnderstoꝛt, mit ſilen deutſchen biechlin zů erheben vnd vffrůrig zů machen, vnd doch wol wiſſen ſolteſt, wo ſie zůſammen lieſſen, alß bald inen ſelber etwaz fürnehmen dörfften vnderſton, alß bald, ſie dir folgten, damit dich mit kurzen worten wil ermanet vnd gewarnet haben wider die keiſerlichen verbot die ſachen vnſers glaubens vor den vnuerſtendigen nit zů diſputieren vnd in ein zweifal zů berieſſen, wellent wir alle an dem farren ſchalten das dir dein ſo manigfeltig miſſedadten vnd ſchmach beweijen genedig verzigten werd, dich verendrest in chriſtlichere meſſigkeit, vnd mit vns in got den herren in riewigem herzen loben mögeſt Amen.

Das der weltlich ſtat die geiſtlichen richterlich, weder zů ſtraffen noch zů vrteilen hatt.

Ales ſo du bißhar vnderſtanden vnd fürgenummen haꝛt, dem würt gelaup in rüm vnd verſierung deiner wörter daꝝ du dich alwegen ſo hoffertig pflegſt der götlichen geſchriſt zů riemen, alß du an ſilen orten, vnwarhaftig ſpricht, das ſag dein ewangelium, dein chriſtus, dein bibel, dein Paulus, das aber mengklich mög erkennen das du in keiner geſchriſten gefundieret biſt, ſunder ſil irriger, vnd ſchwegiger, vnd einem chriſten vnd geiſtlichen man hoffertiger reden die vnuerſtendigen allein verblendest, wil ich anſahen in dem nammen des herren [B₃^b] dir zů antwurten vnd nit zů arguieren, dan wir vnß daꝝ ſelb vff ein andren plaꝝ vorbehalten haben.

Erſtlich, vff das du dein vngunſt gegen den Romaniscen erzeigeſt, ſprichestu daꝝ ſie erdichtet haben, wie dreierley ſtend ſeient, ein geiſtlicher, adelicher, vnd peürſcher welche

drey stent der massen sollent vnderscheidet sein, daz der weltlich adelich oder pürisch den geistlichen nit hab zü straffen, sunder hartwiderumb der geistlich die andren zwen, vnd da mit wellen sich die rōmaniscen beschirmen alß hinder einer muren daz sie vngereformieret beleiben vnd iren müt-wilen vnstrefflich dreiben mögen.

Das wiltu nun hoch widerfechten nach deiner gewonheit vß der heiligen geschriff, vnd bringst sant Paulum har. ad Cor. xij. der sag das wir alle ein körper sehent, an dem ein iedes glied sein eigen werck hab vnd Cristus das haupt sey, wir haben auch all ein ewangelium, ein tauff, ein glauben, da durch wir alle geistlichs stadts, Darumb auch nit war sey das drey stend seient, sunder nit mer dan ein geistlicher christlicher stant aller gemeinen christenheit, darumb auch die iez weltlich stants genant seint aber warlich geistlichs, christlichs stants, den iez genanten geistlichen statt alß ire mitglieder zü straffen vnd zü besseren haben.

Darzü gib ich ein antwurt mit solcher protestation das ich weder die Romaniscen noch niemans anders in seinen vbelbadten verfechten vnd beschirmen wil, oder in seinem mütwil halßstarc machen, allein zü gegen den vnwarhafftigen vnd vnchristlichen reden geantwurt haben will. [B₄]

Erstlich vff das fundament gon, vnd sag das es nit wor sey das nur ein stat sey, der ein geistlicher gemeyner christlicher stat genant sey, es fint sich auch nit der in götlichen noch menschlichen bieberen, doctor Luther wurd auch sein leptag nimmer also gelert das er des eincherley gschrifften zeigen mög, dan das er anzeigt sant Paulus .i. Cor. xij., Ad Roma. xij. vnd .i. Petri .iij. Das seint dry ort der angezeigten heiligen geschriff da mit er wil beweisen das nur ein geistlicher stat sey, Nun sol menglich wissen das .i. Cor. xij. also stat geschriben, Warlich in einem geist seint wir alle in eine versamlung, den ich corpus nit anders den ein versamlung deütschen sol, wir seient iuden oder heiden, eigen oder frey, vnd seint alle in einen geist gedrenckt worden, wer ist aber vff erden also kindisch, der da nit verstand das in denen worten nit nrag beweret werden das nur ein stat sey, es stat wol da das

wir in got einer versamlung sehent, aber nit eins standts, es ist in einer stat auch ein versamlung der burger, noch ist da mancher stat vnd würdigkeiten der personen, er nent das wort corpus zū dütich an dem selben ort ein leib, vnd solt es warlicher ein versamlung deütischen, dan ob wir schon ein leib mit Cristo Ihesu vnserem haupt machen, ligt es doch an dem tag das der leib nit anders dan ein versamlung gleicher weiß soll verstanden werden, als man spricht corpus capituli die versamlung des capitel, Wie gar mißuerstendig brucht er die latinische sprach das er corpus vnnnd [B₄^b] status für eins nimpt, den leib oder versamlung, vnd ein stat ist zweierley. So nun dieses von im angezeigt ort der heiligen geschriff nit sagt das wir alle eins stats sehent junder in Cristo einer versamlung, da bei mag mengklich verstön daz er wie hie so auch schier an allen orten die heilige gschriff fürwent, wider iren eignen syn, dan weder die wörter noch der verstant geben mögen, wan man seinem allgieren glaup so het er recht, jücht man aber hinder sich in der heiligen geschriff, ort vnd end, so er angezeigt hat, so ist es lurtich vnd nit also wie er sagt.

Item er weist zū dem andren Ad Roma. xij. da stat also geschriben, Als wir in einem leib sil gelider haben, vnd aber alle glider nit ein werck thünt, also seint wir alle ein versamlung oder leib in Christo. So es nun nit war ist das wir ein warlicher leib mit christo seindt, dan in einner gleichniß, das ist ein versamlung in einigkeit Christi verfasset, solt er corpus nit für einen leib, junder für ein versamlung verdeütichen, doch laß das kein span sein, vnd werd hie geredt, das wir in christo all ein leib seient, damit hastu aber nit beweret das wir alle eins stat seient, Sunder hast nach deiner gewonheit aber eins die heilige geschriff vnnnd sant Paulus in das halshjen vnd vff den lasterbangt gestellet, den leib vnd stat ist zweierley, erbüt ich mich für alle gelörten vff erden, vnnnd ist dieser text mer wyder dich dan mit dir dran, dan er spricht das wir ein versamlung seint, Doch mancherley glid also das iedes sein ehgen werck [C₁] thüg, das sol billich wider dich verstanden werden, dan dein

meinung wer, daz der weltlich des geistlichen werck thun sol, daz ist die weltlichen seien pfaffen vnd pfeffin, das sie in dem tauff empfangen haben, vnd wan du deinem Paulo völgst, so lieffestu ein iedes glied sein eigen werck thun, die augen sehen, den magen deuwen, die füß gon, vnd die hend greiffen.

Das drit ort .i. Petri .iiij. so du anzögst in sant Peters sendbrieffen stot weder von leib noch von dem stat, vnd nit weiter, dan daz wir in dem glauben einmütig sein sollen, daruß würstu nimmerme beweisen, daz nur ein stat sei vnder allen cristen. Darum ich iez iederman wil gewarnet haben, wan du etliche örter der heiligen geschriff anzögst, zü behilff deiner reden, daz man dir das nit glaubt sunder an angezögten orten vnd enden sich besüchen, so werden sie in warheit befinden, daz du dich der heiligen geschriff wider iren sinn hoch mißbruchest, vnd felschlichen den armen vnuerstendigen zü verblenden fürwendest.

Wilt weiters den weltlichen stat, vber den geistlichen bewegen, als ob sie solche cristische rüt die sünden zü strafen billich an den geistlichen bruchen mögen vnd solten, laß ich ston in seinen werck, das muß ich aber da bei sagen, Ist es ein cristische rüt, sol man sie cristisch vnd nit vffrurig noch mörderisch bruchen, sunder nach der leren cristi. Mathei .xviiij. vnd Luce .xviij. Sündet dein brüder in dich, gang hin straff in zwüschen dir vnd im, würt er vnsträfflich erfunden, so nim einen oder zwen zü dir in krafft einer kundtschafft, höret er die alle nit, so sag das [G,^b] der oberkeit der kirchen. 2c. Also sol dise rüt gebrucht werden, das ist aber deiner meinung nit, sunder daz ir mit busonen vnd trumeten allein vmb die stat Hiericho giengen, vnd eilends die gang stat verfiel in eschen, den dein zornigs gemüt wer, das man den blunder allen schnel in eschen legt, bald feierabend macht, daz man noch by hellem tag in das bad gieng. Es sein sunst vil strafen vnd weg vffenwendig deins fürwendens, da mit die geistlichen von dem weltlichen mögen bezwungen werden von vbelem ab züston, dan die keiser vil stet mit gewalt zü dem cristischen glauben bezwungen haben. Aber das ge-

stand ich nit, das sie daz mit richterlichem gewalt macht haben züthün, daz soltu probieren vnd beweisen, vß der heiligen geschriff, als du dich berümeß doch noch nit gethon hast.

Das du aber sprecheß das alle cristen seien geistlichß stands in ansehung ired geistlichen glaubens vnd der verreinigung in cristo ihesu, wa mit wiltu daz beweisen, sie sein wol eins glaubens, aber nit eins stands. Also möchtstu auch sagen, wir weren einander all in dem ersten grat verwant, vnd schwester vnd brüder in einem Adam vnserm vatter, vnd möcht also keins das ander zü der ee nemen. Also möchtstu auch sagen, wir weren alle des adelichen stads, dan wir einen gemeinen vatter cristum Ihesum haben, der sein kron in dem blüt erholet hat. Also möcht ich dem nechsten der me het dan ich, das sein mit recht anfallen, mit mir zütheilen, dan wir als brüder von einem vatter noch in vnzerteiletem güt jessen, solche reden spöttlich vnd kindisch von dir zü hören, dan ob wir schon [G₂] eins cristi glider sein, ist dannoch in denen eins leibs glider ein großer vnderscheid, vnd hat icedes sein eigen werck züthün, wie sant Pau. sagt. In welchen eigen wercken eins das ander sol vngehendert lasen, da bei merckst du noch wol, das dein angezögte geschriff mer wider dich ist dan mit dir daran.

Sprichstu nachgonds, das vnder allen cristen kein vndercheid sei, dan des amptßhalb. Soltestu billich ansehen was Pau. schreibt .i. Cor. xij. Das got erstlich in der kirchen gesezet hat zwölffboten, zü dem andern propheten, zü dem dritten doctores .xc. Vnd also nachgonds andere empter vnd würdikeit vndercheidlich.

Nun frag ich dich, ob sie in iren emptern ewig seien oder nit, sein sie in ewiger würdikeit vnd ampt, vnd haben das allein von got, so haben sie ein stat wider dich. Sein sie aber abseßlich, als dan soltu bewerer, das sie daz apostolat, euangelischen, vnd doctorats würdikeit mit dem ampt ab legen, hic soltestu billich nit also on geschriff reden, greiff dieß in das secklin deiner hellischen, ich hab mißret, deiner heiligen geschriff, ob du ein blinden text finden mögest, der dir helff bewerer, das die stätlich

würdikeit mit dem ampt hingelegt werd vnd abgang, wan wir das von dir hören, wöllen wir dir ein antwurt geben dan wir deinen leren worten vnd fabelen, als wenig glauben wöllen, als du den vnfern.

Darnach iuffest du mit den heiligen Sacramenten, vnd [C₂^b] vermeinst, so ein bischoff weihe vnd salbe, so mög er wol ölgöhen machen. Also möchtestu auch von den künigen sagen, so man sie weihet vnd salbet, daz man einen ölgöhen vß im mache, vnd wer mit seiner erwölung gnüg. Nun fint man dannocht in dem alten gesaß, das man die priester gesalbet hat Exo. .xxix. vnd deßgleichen die künig auch gesalbet. i. re. ix. Ob du aber sprichst. waz gat mich in dem fal das alt gesaß an, wil man in einem das alt gesaß halten, so sol man es auch in dem andern halten, darzü sag ich das wol beschlossen sei, was vß dem alten gesaß vnß zühalten ist, vnd waz nit, dabei soltu vnß billich lasen bleiben, oder ein anzögunng thün vor bequemlichen richtern, warum nit. Aber das du vermeinst, die zwölffbotten haben doch kein priester gesalbet vnd wie wir der massen verordenet, sag ich also das du das beweren solt, dan dir nit wil gebüren ein solchen löblichen bruch von der zwölffbotten zeiten vff vnß erwachsen zü verleugnen on vrsach vnd die heilig geschriff, wir allegieren daz alt hartumen, das wir von den zwölffbotten erlernen haben, was allegierestu dar gegen wöllen wir gern von dir hören. Sprichstu aber es stand nit in dem euangelio, sag ich da bei es stot doch auch nit in dem euangelio, daz cristus vnser her zü der hellen sei gefaren, vnd ist dannocht in dem artickel vnserß glaubens von den zwölffbotten empfangen von gemeiner cristenheit, es sein noch me ding durch cristum vnd die .xij. botteu geschehen dan in den euangelien vergriffen sei. Darumb es mich von dir ein vnfinnikheit dunckt nit für ein warheit, vnd löbliche gewonheit zü zulassen, dan daz [C₃] in dem euangelio geschriben stand. Sprichstu dan ich laß vil ding vffwendig dem euangelio zü für seinen werd, vnd für menschliche erdichtung. Sag ich weiter das es für kein menschlich erdichtung mag gescheht werden was durch ymbildung deß

heiligen geists hie ist, sunst weren alle prophethen menschlich erdichtung, solt auch nüt den allein das euangelium den zwölffboten vnd der cristenheit not gewesen sein, warzū wer dan on not der heilig geist gesendet worden, dan sy sich des euangeliums wol hetten mögen behelffen.

Das der bischoff so er weihet an stat der gemein für priester erwöle. Luter wa bleibt dein heilig geschriff, damit du das bewereft, sollen wir allen deinen leren worten glauben, so werestu vnsern worten auch schuldig zūglauben, dan vilen ist in gleichem fal ee zūglauben, dan einem. Darum zeug vnß durch die geschriff an, daz der bischoff des gewaltt hab an stat der gemein zū thun, oder das im des got an stat der gemein befolhen hab. Ich finde wol, das cristus vnser her zwölffboten vnd priester gesetzt hat, das er aber das an stat der gemein gethon hab, daz finde ich nicht.

Demnach sprichst du, werden wir alle sampt durch den tauff priester geweiht. Wie .i. Petri .ij. gesagt ist, vnd sein so pfaffen so auch pfeffin. Darzū sag ich, das du aber die heilig geschriff bruchest, anders dan der sin vnd der verstand lautet. Dan sant Peter schreibt zū etlichen da bestimpten cristen, daz sie seien ein vberwelt volck, vnd ein küniglichs priesterthum, also dolmetsch ich sacerdo-^[C₃] tium, vnd du selber auch, da durch hastu nit bewert daz ieder in dem priestertum begriffen, ein priester, pfaff oder pfeffin wer, als so ich sprech, wir teutschen sein ein vfferweltes keiserthum, daruß folgt nit daz ein ieder in vnserem keiserthum begriffen, ein keiser oder keiserin sy, oder tütsch es gleich also, ir sein ein vberwelt volck vnd ein küniglich priesterthafft, ist gleich also vil gesagt, als ob ich sagte. (Nos estis imperiale regnum.) Ir tütschen sein ein keiserlich reich, daruß ist noch nit gesagt, das ein ieder tütsch ein keiserlicher künig sei, es volget vil ee vß dissen worten sant Peters daz dir nit lieb ist, das der bapst der vnser cristenlichen priesterthums die höchste oberkeit, ist ein künig sei zū achten, daz wilt aber du nit zulassen. Ich bit dich doch durch got, so man spreche, ir tütschen sein ein vfferweltes keiserthum, ob daruß folg, das ieder tütscher ein keiser oder keiserin sei, sag

nein. Ach also wenig folgt auch das nacher, ir cristen sein ein vberweltz pfaffentum oder priesterthum, das darumb ein ieder crist ein pfaff oder pfeffin sei.

Die ander heilige geschriffte damit du beweren wilt, daz wir durch den tauff alle pfaffen vnd pfeffin seien, ist in apocalipsi. daz ist in dem buch der heiligen offenbarung. c. ij. Sprichstu stand also geschriben durch sant Johannes, du hast vnß gemacht durch dein blüt zü priestern vnd künigen, ich wolt es gern by deinen worten lassen bleiben, so folgt hernach als wenig ein ieder künig were, als wenig wer ein ieder priester. [C₄] Es ist aber nit war das geschriben stand wie du sagst, sunder also. Er hat vnß gemacht ein reich, vnd priester got vnd seinen vatter, wer in einem reich ist, der ist darumb kein künig, wie aber das sol verstanden werden, daz er vnß priester gemacht hab, zög sant Peter vorgonds an, daz vnß got zü einem priesterthum gemacht hat, daruß volgt aber nit, das ieder in dem priesterthum begriffen ein priester sei, als wenig als so man sprech, der keiser hat vß dem Württembergischen land ein herzogthum gemacht, das ieder Würtberger ein herzog wer.

So du nun aber hie zwei mal die heilig geschriffte nit nach irem sin vß legst, sunder wider iren verstand gewaltigest, wil ich zü dem anderen iederman vor dir gewarnet haben, wa du die heilige geschriffte allegierest, daz dir niemans glauben geb, sunder ort vnd end sück, die du anzögest, so würt es erfunden, das dein sach vff müthwilligen reden stond, vnd in keiner heiligen geschriffte gefundiert. Und kan also bei keiner warheit beston, das der tauff pfaffen oder pfeffin weihe, oder du müstest das anders beweisen dan mit disen geschrifften.

Das aber nicht alle christen gleichen gewalt haben, so vil die priesterschafft betrifft, gibt das ein anzügen, das cristus vnser her allein zü den zwölffbooten geret hat, nemen den heiligen geist, vnd wem ir seine sünd verzeihen, dem sollen sie verzeihen sein. 2c. Wa hat Maria die müter gottes sich des priesterlichen [C₄^b] gewalts vnderzogen so

du doch sprichst, sie sei als wol als alle andern ein pfeffin, oder zög vnß an, ob du sagen woltest, sie wer dar zu nit ertwelt gewesen, wa sein ie frauen zu priesterlichem ampt in der cristenheit ertwelt worden das so du nit anzögen kanst, laß ich es für ein vnwarhafftige reden ston, das der tauff alle cristen pfaffen vnd pfeffin mach vnd des halben inen gleichen gewalt geb.

Züerst darnach vff ein falsche red, ein falsches exempel yn, als so zehen geborne brüder eins künigreichs gleich erben weren, wer doch allein der erwölt in bruch des küniglichen ampts, wie wol sie alle künig weren, vnd gleichen gewalt hetten. Sie gibstu dein vnwissenheit hoch zu verston in villen stücken, doch in dem daran wir iez sein, so zög mir an, das wir gleich erben seien der priesterschafft. Ich find wol daz cristus seine priester erwölt hat, vnd nach der erwölung inen den gewalt geben des priesterlichen ampts. Aber ich find nit, das sant Peter die priesterschafft von seinem vatter ererbet hab, vnd allein von cristo (on weitem gewalt geben) darzu erwelet sei, dan die cristlich priesterschafft ererbet sich nit, wie in dem alten testament.

Gibst zu dem andern noch einen falschen exempel, noch ein vil felschers, als so ein heufflin frumer cristen gefangen würden, vnd in ein wüstenei gesetzt, die nit bey inen hetten ein geweihten priester, von einem bischoff, vnd würden alle da der sachen eins, erwölten einen vnder in, er wer eelich oder nit, vnd befilhen im das ampt zu teuffen, meßhalten, absoluieren, vnd predigen, der wer [D.] warhafftig ein priester, als ob in alle bischöff vnd Päpst hetten geweiht. Doctor Luther, wa ist iez dein heilige geschriff, deren du dich alle zeit so hoch berümezt waz du sagst, das sei die heilig geschriff, durch welche geschriff wiltu vnß diß beweren. Hörstu nit, wa stots geschriben, das der solcher masen erwölt ein priester sy in dem fal der noturfft, es ist auch da kein solche noturfft dan allein in dem tauff den mag ein ieder crist geben, er ist aber darumb nit ein pfaff, des absoluierenßhalb vnd der andern .c. Ist got vff die Sacrament gebunden, würd inen kein nachteil an irer selen selikeit bringen ob

sy schon kein pfaffen hetten. Darum wir dich bitten, wan du vnß antwurtst, das du deine heiligen geschriffst baß ansehest, dan in der vnfern finden wir nit, daz einer der massen erwölt ein warhafftiger priester sei, als ob er geweiht wer.

Darnach sprichstu daz vff dise weiß die cristen vß dem huffen ire bischöff vnd priester erwölt haben, dan also warde sant Augustin. Ambrosius. Ciprianus bischoff, das wie es von sant Ambrosio nit war ist, also ist es auch von den andern nit gleublich, dan wir von sant Ambrosio finden, das in der zwitterachten der arrianer vnd der cristen durch die stim gottes sei dem solck für ein bischoff zü geriefft worden, der stimen hat daz solck nach gehendt, vnd in für ein bischoff begert, aber nit erwölt.

Diemeil nun als du sagst dy weltlich gewalt, ist gleich mit vnß getaufft, hat den selben glauben vnd euangelh, müssen wir sie lassen priester vnd [D^b] bischöff sein vnd ir ampt zelen, als ein ampt das da gehöre vnd nuß sei der cristenlichen gemein. Ich gestand dir nit das ein einicherlei weltlicher gewalt mit vnß getaufft sei, aber wol das menschen die iez villeicht gewalt tragen mit vnß getaufft sein, das lassen wir zü den kein gewalt, sunder die menschen getaufft werden, vß vrsach thü ich die ynred, dan ich weiß dein vßschlupff vnd yngeng. Sag an, ich muß doch ein mal teütsch mit dir reden, macht der tauff pfaffen vnd pfeffin, wa seind die zwölffbotten pfaffen worden in dem tauff. Sprichst du sie seien getaufft worden, so zög mir das in der heiligen geschriffst an, sunst glaub ich dir also wenig, als du vnß glaubest, es stand dan in götlichen bücheren geschriben, vnd wiewol ich es selb glaub, das sie seien getaufft worden, noch dannocht was dir recht ist, sei mir billich, du wilt nichts on geschriffst glauben, so wil ich dir auch nüt on die geschriffst glauben, so du nun nit kanst anzögen in der geschriffst, das sie getaufft worden sein, so ist auch nicht war, das sie der tauff pfaffen gemacht hab. Ob du aber ie woltest sagen, sie weren getaufft, das glaub ich selb, allein wil ich dir damit zü verston geben, das vil erlicher ding, vnd noturfftig zü

vnser selen selikeit vnß die zwölffboten vnderichtet vnd gelernet haben, dy nit in den götlichen geschrifften ston, sunder in krafft einer loblichen gewonheit, vnd cristlicher warheit vff vnß erwachsen sein, wa stat es geschriben das die müter gottes mit seel vnd leib zü himmel empfangen sei, vnd getauffet, deßgleichen die zwölffboten, wa stat es geschriben, das [D₂] sie on erbsünd empfangen sei, vnd vil tusenterlei der gestalt, das wir doch ieg in vnserm glauben so ernstlich halten vnd glauben.

Sie frag ich alle die Luthern günstig sein, seitensmal das sie in der heiligen geschriffte so hoch rümen, daz sie doch vnß zögen, wa es geschriben stot so einer priesterlich ampt geiebt hat, vnd ab gesezet ist, das er wider zü einem pauren oder burger werd, dan es wil sich im ie nit gebüren, wider alle geschrifften biß har gehalten solches on fundament der geschrifften züreden dan mit gleicher leichtfertikeit möcht auch das widerteil geret werden, das kein ampt wer die priesterschafft, sunder ein würdigkeit, vnd ein stand.

Nun wil ich dir zu gefallen daz annemen, wiewol es nit war ist, das lehen, fürsten, bischöff, geistlich vnd weltlich, in dem grund vnd warlich kein vnderscheid haben, dan wie du sagst, sollen sie alle geistlichs stands sein on allen vnderscheid, dan solcher vnderscheid allein in den emptern vnd wercken ist, du solt aber hören was daruß folgt, dan wie die weltlichen, als du sagst, die geistlichen straffen mögen, darumb das sie auch des geistlichen stands warhafftig sein, in krafft des taufes, gleicher folg mögen auch die geistlichen die weltlichen straffen, als ire mit geistlichen, so sie doch on vnderscheid eins stands seiend.

Es folgt auch weiters daruß, das auch kein adlicher [D₂^b] stand sei, sunder wer zü einer oberkeit erwelt ist, so er daz ampt nider legt, so ist er ein bauer oder burger wie vor, ee vnd er das ampt an nam. Ich weiß aber wol, das der adel das als vngern annimpt, daz kein stat des adels sei als vngern die geistlichen hören, das iederman pffaffen vnd pffeffin seiend.

Weiters folgt daruß, das man ein priester vnd geistlichen als billich Keiser, künig, herzogon, grassen, ritter oder knecht macht, als ein edel man, dan du sprichst wir seien alle eins geistlichen stands on vnderheit, vnd sol mit der weiß die geistlichen als billich daz weltlich schwert tragen, als es ick die weltlichen tragen, das werdet aber sie vngedultig hören, nun folgt es alles vß disen deinen worten. Das aber deine folg nit war sei, gib ich dir dein eigen exempel wider dich. Sant paulus spricht, wie ob gesagt das wir alle eins leibs sein, vnd cristus vnser haupt doch hab ein iedes glid sein eigen werck, also sol der priester nit thün daz werck des adels, vnd der adel nit thün die werck der bauren, vnd der bauer auch nit thün die werck der priester vnd des adels, als wenig als ein leib, ein glid dem andern in seinem werck zü hilff kumen mag vnd kan, die hend mögen vnd können den augen nit helfen sehen, noch die augen den füßen helfen gon, noch der magen den henden helfen greiffen. Darumb ist dein exempel von den glidern mer wider dich, dan mit dir daran.

Darnach sagstu, das weltlich gewalt von got verordenet ist die bösen zü straffen, vnd die güten zü beschirmen, darzü sag ich kurz ab, daz solchs nit war sei, das der [D₃] weltlich gewalt darzü verordnet sei von got, vn retzt wider dich selv, dan du sprichst, das kein weltlicher stat sei, sunder wir seien alle geistlichs stands. Ich find wol .i. petri .ij. Das vnß sant Peter gebüt, einer ieden menschen creaturen, die ein oberkeit tregt, der sollen wir vmb gottes willen vnderthenige gehorsame beweisen, es stot aber nit da allein dem weltlichen gewalt. Dan wie du sagst sein wir eins stands, so mögen keiser, künig, fürsten vnd herren als wol vß dem geistlichen stand erwölt werden, als vß dem weltlichen, als vor zeiten keiser vnd künig auch priester woren, diß ist auch deiner höchsten vrsachen ein das man dem bapst sol gehorsam sein, nit darum das er von got erstiftet ist, sunder das er den gewalt des schwerts vß gottes ordnung vnd willen fiert zü straff der bösen vnd beschirmung der güten, vnd ist er dannoch ein priester. Wie kanstu dan sagen, daz die

weltlich gewalt zü dem schwert von got verordnet sei, vnd nit als wol auch die geistlichen.

Vnd ich müß dich ein wenig haß gürtten. Sant Paulus ro .xiiij. sagt also. Ein iede seel oder mensch sei der obren gewalt vnderwürfflich. Dan kein gewalt ist dan von got, vnd was von got ist, daz ist von im geordnet. Darum wer dem gewalt widerspennig ist, der widersichttet gottes ordenung, aber die sich da wider sperren, die erlangen dadurch ein verdampniß. So nun der bapst daz weltlich schwert auch tregt in seinen landen, vnser drey weltlichen Churfürsten, vnd der merer theil der bischöff in tütschen landen auch etlicher gefürsteter ept, kan nit anders vß den worten Pauli verstanden werden, dan daz sie daz [D₃^b] schwert des gewalts, von got vnd seiner ordnung empfangen haben, vnd sein doch geistliche personen. Wie darffestu dan sagen, die weltlich gewalt hab das schwert zü straffen von got, die geistlichen züstraffen. So sie nun beide stät, der geistlich vnd weltlich das schwert von gott haben, zimpt dir nicht zwei schwert in einander zü verwürren, vnd har vß har zümachen, streit ist sintwel, wer weiß welcher den andern strafft oder schlecht, seind aber etlich beschwerden, vnd mißbruch abzüthün, das mag wol durch fürsichtikeit vnser kaisers, vnd der durchlüchtigen Churfürsten mit güter müssen, vnd geschickten mitlen abgethon werden, das sich die tütsch nation nit me zü beklagen hab, wie man sie also mit viller nütwer find vnd erdichtung also vnderstand an irem gelt vnd barschafft zü erschöpffen vnd emblözen, also das deins wütenden rats nit darzü not würt sein, man sol dich auch darumb nit hören, dan du durch solchs schmieren vnd specklin on allen zweiffal vnderstast vnjern glauben zü schedigen, vnd böhemische meren zü verkünden, zögst mit den fingern vff das tütsch land, vnd windest mit den augen vff böhem. Ich hoff zü got, wir tütschen kumen aller beschwerden ein mal ab, vnd wöllen dannocht frum cristen vnd vff vnserm vetterlichen gesatz bleiben.

Des bannes halb das weltlich schwert ir werck thü, vnd kein ban darunder ansehe wil ich an disem ort lassen

rügen, dan wir in einem an[D₄]dern büchlin in cristlicher warheit daruon reden wollen. Das sag ich aber mit vollem mund, das der ban also verachtet ist, vnd würt, daran hat niemans schuld dan die geistlichen vnd bischöff, die in so leichtfertigkeit vnd oft nur umb drei hasselnuß vnd zwen daubendreck bruchen oder warlicher mißbruchen. Darumb hat sich die geistlichkeit diß gar nichts zü beklagen, dan niemans daran schuld hat, dan sie selb, selb thün, selb leiden.

Mit dem priester der abge-

setzt würt degradiert, vnd weltlichem gewalt vberlifferet, daz er nit me priester sei, das ist gar nit war, dan wa er nach der absetzung meß lese, wiewol er daran vnrecht thet, schieff er so vil in dem ampt der heiligen meß, als ein vnabgesetzter. Es befrembt mich hoch, wa für du dich achtest, das du so vil vngewoner, vngehörter, vnnnd vnwarhafftiger reden wider alle heiligen lerer oder den merern theil darffst thün on geschriffen, vnd weist daz du verargweniget bist, wie du das giffst mit dem honig verkauffest, vnd wir dir billich on geschriff nit glauben sollen, mit namen so du dich vor deinen günnern in allen büchlin der geschriff so hoch berümeest, das sie öffentlich sagen. Doctor Luther redet doch vß der geschriff, warumb fragen sie dich iez nicht, warumb du so vil on geschriff mer schwehest mit den azelen, dan du redest [D₄^b] vnd ob du mir wider fürwürffest, warum ich auch nit mit geschriff anzögt, das ein degradierter priester, sol dannoch priester bleiben, sag ich das es mir als einem antwurter nit gebürt, dan du als ein arguierer solt beweren. Nam actori incumbit probatio vnd nit ich.

Vermeinst es sei zü vil das man die geistlichen so vil frei in dem geistlichen rechten gleich, als weren die lehen nit auch so geistlich güet cristen als sie, oder als gehörten sie nit zü der kirchen. Warum sol ir leib, eer vnd güet so frey sein, vnd nit das mein, so wir doch gleich cristen seind, gleichen tauff, glauben, geist vnd alle ding haben. Fragst wa her so grosser vnderscheid kum. Es ist niemans so einfeltig, der hie nit

verstand, das du den leyen zů gefallen redest, vnd wilt sie in freiheit den geistlichen vergleichen, doch so diß die warheit vnd den glauben nit beriert, mag ich es wol lassen ston. Weistu nit wa in ire freiheit des merern teils her kumpt, so liß das keiserlich recht, vnd das büch der leuten in dem alten gesaß. Warumb redestu wider die freiheit, die in got vnd die keiser geben haben, vnd auch nit so billich wider die freiheit dy die keiser den stetten vnd leyen geben haben. Ich kan auch nit sunderliche freiheit der geistlichen finden, schlecht ein leye den andern zütod, vnd laufft in ein kirchen, so ist er frey, so man ein priester todschleger, on alle freiheit von dem altar nimpt, vnd gibt im sein straff, ich wolt dannoch lieber ein freiheit haben, so ich iemans erdötet freiheit zů finden, dan so einer mich erschlieg, daz man interdicit hielt. Darum rech eins gegen dem andern ab, fragst [G.] sil vnnützlich, so müß ich dich auch fragen, worumb gehören die stül vnder die bend, darumb gehört auch der nidern, vnder sein öbren, Aber vergleich der leyen freiheit, so sie von bepsten vnd keiseren haben gegen der geistlichen freiheit, so habent sie tusent mal mer dan die geistlichen, darumb wir gern mit in duschen wellen, vnd hett daran kein span. Ich weiß ein freiheit eins zols von keiseren an einem ort verliehen etlich tusent guldin ein iar vff zů heben, vnd der sie hatt, darff weder stat, brucken, weg, oder anders besseren, ich nem die selbig freiheit, vnd ließ dir die so ein priester erschlagen ist, daz man interdicit halte, der leien freiheit drüfft in die kuchin, so der geistlichen ein lutre bettlerey ist, vnd nit der senff gegen iren freheiten zů bezalen, es verdrüffet mich daz ich dir vber dieses dorecht ynreden so sil geantwortet hab, so es doch vnseren glauben nit betrifft.

Du sprichst es stant in dem geistlichen rechten, wan der bapst so schedlich böß were, daz er gleich die selen mit grossen hauffen züm teüffel fieret, kint man yn dennoch nit absetzen, daz nieß ein hauptteüffel darin gesezet haben, in solcher schedlicher anslag soltestu billich angezeigt haben an welchem ort vnd end das stünde, dan dir daz niemans glaupst daz es din sey, darumb billich erachtet würt daz du daz dem geistlichen rechten mit der vnwarheit hast

zügelegt biß du ein anzeigens diegest wa es din geschriben stand, du düst eben wie Hanß fürzlin, der wolt buwen vnd fieng an ein huß ganz abzubrechen, darnach vber .ij. iar wolt er ein nütwes buwen, also daz er die .ij. iar im regen saß, vnd nit so witzig was, das er sich des alten huß [G₁^b] solt behelffen biß er ein nütwes oberkeme, mach vns zü dem ersten ein nutw geistlich recht, dan so lang wir das nit haben werdent wir vns des alten behelffen, vnd dich an ein kerbholz lassen schweigen, es stat doch geschribben v. non mutabis donec plurale videbis, daz ist du solt die alten schü bruchen biß du ein nütw par vberkumpst, vnd alß du sprichest weiters das in den geistlichen rechten so sil kegereischer vnchristlicher vnd vnnatürlicher gesatz stont die soltestu billichen angezeigt haben, so wer dir doch best gewilliger gelaup worden, darumb müstu das billich erdichtet haben, oder ein weiters anzeigen darumb thün, aber du sagst es sei nit von nöten, Darzü sag aber ich daz ein ieder anfleger billich soll sein anlag in geschriffen thün vnd nit mit blinden worten, zü latin de edendo, sunst möcht ein ieder reden was er wolt, vnd wer also niemans vff erden seiner eren sicher vor vnnügen vnd leren wörteren.

Wer in spennen Christlichs glaubens zü erkennen hab vnd irthüm hyn zü legen.

WIr kummen iz vff die ander muer wie du es nennest, wer in spennen vnd zweiffal christlichs glaubens hab zü sprechen, vnd zü erkennen, Sag ich darzü erstlich daz in spennen des glaubens hab zü sprechen niemans dan sant Peter vnd seine nachsaren, daz bewer ich vß der götlichen geschriff actuum .xv. da sint man daz in vrsprung vnserß glaubens ein grosse irthüm entstanden was, ob zü dem tauff, [G₂] auch solt beschnitten werden, bey vnser selen seligkeit da find ich daz sant Peter, on alle widerred die irthum hingeleget hat, vnd in diser sachen des glaubens gesprochen, vnd weiters sant Jacob seinen spruch bestetiget hat, daz er der heiligen geschriff gleichförmig sey, vnd ein kleinen züsatz gethon das

man sich hietet vor vneüßheit. 2c. Vnd hat sant Pau. selber vnd Barnabas gen Hierusalem gereiset, zü den .xij. botten, den priesteren vnd den, alten also daz in dem selben capitel clarlich erfunden würt daz in speennen christlichs glaubens sant Peter gesprochen hab vnd niemans anders.

So ligt auch an dem tag vß den worten Cristu iesu luce .xxij. das Cristus vnser her also zü sant Peter sprach, Petre ich hab für dich gebetten daz dein glaub nit gar zergang vnd ersige, Darumb kör dich zü zeiten vmb vnd bestetig auch deine brieder, Da bey wol verstanden ist, daz bestetigung in dem glauben sant Peter zügehöret gegen seinen christlichen briederen, in krafft der fürbit die Cristus für in gethon hat. Ich laß mich auch ganz nüt irren daz du sagst Cristus hab für die andren auch gebetten Jhs .xvij. den liß beyde text so findestu ein grossen vnder scheid vnder der fürbit Cristu Petro gethon, vnd der fürbit den andren gethon, dan Petro darumb das er in krafft der bit in dem glauben steiff belibe, vnd die andren seine brieder möchte bestetigen. Aber den andren darumb, das sie daz wort christi anenommen hatten, vnd in yn gelaubet, des erbüt ich mich vff beide text, darumb sag ich das vß den worten Cristu die bestetigung in dem glauben allein Petro züstot, vnd nit den andren. [E₂^b]

Ich laß mich auch zü dem andren nit hindren das du sagst diser bapst sey ein vngleübiger kauffman, tiran, dieb vnd fil der gleichen schelliger vnd vngestlicher wort, dan laß yn ein mörder sein, wil vnß dennoch nit gebüren in zü verdammen vnuerhöret, es were auch wider der teütschen art also leichtfertig einem ieden zü gelauben vngehöret der widerparthen, darumb so lang wir des bapst verantwurten nit gehöret haben, so werdent wir yn dabei lassen beleiben, daz im Cristus geben hat, daz er die christen hab in dem glauben zü bestetigen, ist er schon böß wie du sagst, so seint vor im güte gewesen, vnd ist zü hoffen daz vns nach im got wider güte vetter vnd prelaten gebe, vnd sey daz zü dem rechten, ob man dir der anslag wider den bapst geston vnd glauben sol, vnuerhöret vnd vnuerantwurt seyn.

Ich sag auch weiter daz solche bestetigung des glaubens in krafft der schlüssel des himmelreichs sant Peter gegeben seint, vnd ist auch nit war das die schlüssel des reichs der himmel der gemein geben seint, dan es stat geschribben, Petre dir wil ich geben. heißt Petre die gemein so hastu recht, ist es aber ein eigener nam, so hant wir recht.

Ich hab nie gewißt das Petrus, ein gemein heißt dan iez, vnd ob du schon sprichst sie seint doch nach der hant gegeben worden Johannis am letzten capitel der gemein als Christus sprach, Nemment den heiligen geist welchen ir die sünde nachlassen, darzü sag ich daz an dem ort nit geben seint die schlüssel des himmelreichs, sunder allein der gewalt zü binden vnd entbinden der priesterlichen ordenung anhangendt in dem der bapst mit den andren [E₃] vergleicht ist, darumb müstu andre örter sūchen da die versprochenen schlüssel gegeben seint des himmelreichs, doch hab ich daruon weiters geantwurtet in dem büch von dem bapstenthūm vnd der höchsten oberkeit christlichs glaubens.

Du gipst vnß daz zü bedenden auch zü bekennen, daz frumme christen vnder vns seint, die den rechten glauben, geist verstant wort vnd meinung christi haben, wer wolt aber daz leügken, das wissent wir wol, vnd gestonts, Daz aber nacher volge, daz deine lere eins solchen rechten verstants sehent daz finden wir nit, dan wir dich finden irren schier in allen stücken, vnd vß zorn, neid, vnd haß, mer reden, flūchen doben, vnd schelten, dan die warheit ist, aber das von dir nit ein grosse vermessenheit, was du redst also glaubwürdig achtest, vnd alles das wider dich ist verwürffest, du möchtest doch den richteren heim setzen zü erkennen da es dennocht hindennach hinkommen müß, got geb wa für du dich verzollest. Wir glauben auch in gemeine christenheit vnd nit in den bapst als du vns felschlich zü legst, vnd da bey weiters daz der minst christ ein warheit finden vnd wissen mög durch yngebung des heiligen geists das den aller weifesten des glaubens verborgen ist, als geschribben stot Mathey .xi. das aber du der selbig seiest dem solche biß har verborgene warheiten eroffnet sehent durch den geist gottes, das glaubent wir

nit, vnd wellent do mit nit gefreuet haben noch dich verachtet, So wir das setzen zwischen vnß vnd dir dem Concilio heym, vnd wellendt darin lassen erkennen [E₃^b] vnd sprechen. Gipst nach der hant dry exempel, das Abraham Sare seiner huffrauwen hett miessen volgen vnd weichen, Balaam dem essel vß dem der engel redte vnd yn straffte vnd Paulus straffte Petrum das er nit recht ging in dem weg des ewangeliums, vß disen laß ich dir gern zü daz die mindren mögen die obren straffen warin sie irren, vnd hab des gar kein span mit dir, daz aber dir billich alß Sare, Paulo, dem essel sol gewichen werden, alß dem der die warheit redt wyder den Papt, da wil ichs vnderscheiden, meinstu in dem glauben, so find ich dich vngerecht, vnd sol dir billich nit gefolget werden, meinstu es aber in etlichen myßbrüchen, vnd beschwerden so der Papt vnd sein hoff söllent wider recht thün, das kinnent wir nit versprechen dan wir sein weder bericht haben noch beuelhe, Aber daz dunckt mich rechtlich vnd frumlich gehandelt das man in vnschuldig halt biß es mit recht vff yn bracht würde, vnd ob er schon ein mörder were, daz man yn laß zü verhöre kummen, vnd mitler zeit in laß beleiben in seinen würdendwie er ist. Zü letst in diser matery, so ich gesagt hab er papt hab in spennen des glaubens allein mit Petro zü sprechen, muß ich dennoch zulassen vnd billich daz ein gemein Concilium in solchen spennen hab zü erkennen, Dan es stat geschriben ad Gala .ij. daz sant Paulus spricht, ich bin mit Barnaba vnd Tito zü den apostelen, priesteren vnd alten gon Hierusalem gezogen in dem span der gleübigen vff das ich nit ödlich in dem glauben prediget vnd lernet.

Da bey wol zü verston ist das die selbig versamlung in solchem span hat zü erkennen, wie wol Petrus solche erkentniß [E₄] von Cristo hatt vßzüsprechen, als auch gesehen ist Actuum .xv.

Wer in christlichem glauben ein Concilium hab
zū berieffen vnd versamlen.

Ich kumb darnach vff die drit maur, wer ein Concilium
in christlichem glauben hab zū erwecken vnd zū ver-
samlen, der bapst oder gemeine christenheit, in welcher
fragen, Ich alle lerer zweitrechtig find, etlich sagen daz
solches niemans gewalt hab zū thūn dan der Bapst. Der
ander teil des du bist, sagent daz in denen worten christi,
sündet dein brüder wider dich Mathey .xviij. 2c. so straff
in, zwiscent dir vnd im würt er dan vnstrefflich entlich
erfunden, alß dan sol ein ieder gewalt haben ein concilium
zusammen bringen vnd zū erwecken, mit filen der gleichen
vnbewereten worten vnd reden, daz die apostelen daz con-
cilium zū Hierusalem gehalten die .xij. botten alle vnd
die elstisten berieffet haben vnd nit sant Peter Actuum .xv.
Wil ich zū dem ersten dir antwurten vnd darnach mein
meinung sagen, Vnd sag erstlich daz das selbig Concilium
die apostelen vnd die alten soltent berieffet haben nit
stant in dem text der heiligen geschriff, vnd mißbruchest
dich aber der gschriff nach deynes gewonheit, vnd zeigst
vff ein ort da sol man finden, vnd so man da süchet so
fint man nüt, ist daz vß der heiligen gschriff reden daz
man allein sprech da vnd da stat daz, es sei oder sei nit
so künt sich dermassen ein ieder dropff der gschriffen
bruchen. [C₄^b] Ich find aber wol da selbest, alß Paulus
vnd Barnabas gen Hierusalem kament, daz sie seint ent-
pfangen worden von den apostelen, vnd den alten, daz aber
Petrus die selbig versamlung nit hab zū berieffen, vnd
das es die apostelen vnd die alten berieffet haben daz stat
nit da, Darumb du gar nüt mit dem selben text beweret
hast, vnd also zweiffalhaftig nit bestminder belibet, ob der
bapst daz Concilium hab zū berieffen, oder die gemein
christenheit, in welchem zweiffal ettliche vß gunst dem bapst
zū sil zūgeben die andren alß du vß vngunst dem bapst
zū sil vnderstast zū nemmen.

Darumb dunckt mich daz beyde parthen nit recht
haben so die ersten on geschriff erschinen, vnd du mit
geschriffen zū deiner meinung ganz vnerschüßlich, wellent

wir das mittel treffen vnd dem hapt seinen gewalt behalten, vnd die gemeine christenheit ired rechten nit entsetzen. Vnd sagent erstlich wo ein irthum vnd vffrur in dem glauben beschehe, das die gemein etliche botschafften von den aller trefflichsten soltent verordnenen zu der oberkeit christlichs glaubens, das bewer ich. Actuum .xv. da stat also geschriben das ettliche von iudea lerneten die brieder wen sie nit beschnitten wurden nach dem gesatz moysi so mochtent sie nit selig werden, vnd ist also worden nit ein kleine vffrur, das also Paulus vnd Barnabas wyder sie vnnb andre mer von andren verordenet worden zu Petro vnd den apostelen vnd alten des glaubens von inen, in solchem span vnd der vffruren ein bericht zu bringen vnd ein entlichen abscheidt. So nun Paulus vnd Barnabas [F.] firtreffliche personen sein des glaubens, vnd von der gemeinen cristenheit zu den oberkeiten des glaubens gesendet worden sein. in solchen grosen vffruren, ist wol zuuerston ligt der manlichen tutschen nation etwaz an gegen dem hapt so den glauben so auch andere beschwerden betreffen, sol man billich in namen obgenanter vnserer nation ein trefliche botschafft zu dem hapt vnd den oberkeiten vnseris glaubens verordnenen solche vnser not firtwenden zu beklagen, mit ernstlicher bit, vß irem gewalt ein Concilium gemeiner cristenheit zu versamlen, wa vnser anligen on daz nit mocht hingeleget werden, wil in ganzer vnd solkummer hoffnung sein, das haptliche heilikeit, wa ir etwas an vnß tutschen gelegen ist, daran ich nit zweiffel werd vnser not vetterlich erhoren, also laß ich zu, daz den glauben zu retten, es sei wider die tuffliche gewalt, menschlichen oder sunst wider wen es wol actio publica sei, daz ist iederman erlaupet, von der gemeinen cristenheit zu klagen, firt zu bringen, vnd den richtern wissen zuthun, als auch in allen andern rechtlichen hendlen anlag der beschwerden, iederman zugelassen ist, vnd vnuerbotten, auch aller meist hie in sachen vnser selikeit betreffen, vnd die oberkeit, so sie des ordenlichen gewalt hat, sol sich daryn geschicklichen halten, die gemeine cristenheit zu beriefen, ein frei cristlich vnd vngezwungne versamlung zu thun. Also bleibt der oberkeit ir gewalt ein gemein Concilium zu beruffen, vnd

den vnderthonen ire gerechtigkeit vngelehet, das sie ire not vnd anligen billich beklagen mög, das inen von einer gemeinen oberkeit aller cri[ſt]enheit mög ein tröstlicher vnd warhafftiger abscheid gedenhen. Dan wa man das obgenant capitel der selbigen grosen vffrüren ermessen wil, ist es nit anders hingelegt, erfordert gehalten vnd geendet worden, dan wie ich gesagt hab. Vnd dunckt mich ganz und gar zü einem bundschü dienen, vnd einer schelligen, wietenden, vnd vnfinigen vffrüren, die so bald wider dy erwecket ist als, wider iemans anders das man der massen mit schmachbüchlin, vnd mancherlei scheltworten der gemein geben wil, daz billich der oberkeit zügehört. Aber har gegen ganz der götlichen geschriff gleichformig, daz ire beschwerden die vnderthonen vernünfftig fürtragen, vnd die oberkeit inen durch iren gewalt zü hilff kum, das also ir beider ampt vnd gerechtikeit erfordert werd, vnd nit also von vnderthonen vffrürigen gehandelt sei, so bald zü bösem als zü gütem.

Wa du aber sprecht, die oberen der bapst würt vnser treffenliche botschafft verachten, da kan ich nit vor dem herren fischen, vnd versihe das mich ganz nichts zü dem bapst, sunder ich glaub er werd die botten vnser nation vnd von vnß gesandt lüt aller völker recht mit eren empfahe lassen vnd halten, wa er aber das nit thet, als dan möcht billicher wider in mit sicherheit geklaget werden, dan iez vnicher prophetiert. Ich bin auch in festem glauben, sei es vberlein das fürnemen vnser durchlüchtigen vnd großmechtigsten künigs daz ein concilium werd zü besserung vnd reformation der cristenheit, mit sampt dem willen vnserer durchlüchtigen churfürsten, fürsten vnd herren, geistlichen vnd weltlichen, [ſ] es werd mit füglich mitlen wol durch sie erfordert on alle vffrür vnd einicherlei bezwangniß der vnderthonen.

Warumb doctor Luther ein Concilium begeret.

Du begereſt erſtlich darumb ein Concilium, das der bapst ein solchen grosen bracht füret, das in kein künig oder her diser welt erreichen kün oder mög, seze ich

dem concilio heim zů ermessen, dan es vnserm glauben weder gibt noch nimpt, vnd vnser meinung nie weiters waz dan vnsern glauben zů retten mit disem vnserm schreiben.

Zů dem andern hastu ein mißfallen das er sich den aller heiligisten lajet nennen, so er doch weltlichers wesens ist dan die welt selber, das ist ein kleine vrsach ein concilium zů erwecken, dan wir cristen sein alle heiligen genent an vilen orten der sendbrieffen der zwölffboten, so ist er aller heiligen, das ist aller cristen heilig, daz ist der aller heiligst nit in betrachtung seiner personen, sunder in ansehung seins ampts, als wenig wir cristen alle heilig sein mit vnsern wercken, sunder angesehen den heiligen cristlichen stand, daryn wir sein.

Zů dem dritten, das du meinst es sei ye zů vil das er drei kronen trag.

Darzů sag ich, was ist gott so sunderliches in dem alten gesaz daran gelegen [F₂^b] gewesen, den obersten priester zů gebieten, also erlich vnd kostlich zů kleiden, sein haupt mit gold vnd silber, seidin vnd edel gestein zů zieren, mit schellen vnd so einem kostreichen gürtel, mit einem halben mon, in dem der namen gottes geschriben stünd, als dan in den bűcher Moysi ofenlich geschriben stot, dan daz solchs alles zů der eren vnd maiestat gottes mer dienen solt, dan zů einer hoffart des obristen priesters erachtet würd. Also sag ich vil billicher hie, das solche krönung der drei kronen, die maiestat ist der heiligen dreifaltikeit vnd vnserß glaubens me dan es für ein hoffart ist zů achten, es achtet auch solche kronen niemans anders für ein hoffart dan du, so du dir ein mal für genumen hast du wöllest alle ding zů dem bößisten vßlegen, doch so es dem glauben weder gibt noch nimpt laß ich das ston, als ein miessige ynred von dir gethon, dan es billich für kein kron der hoffart von frumen cristen sol gehalten werden.

Zűhest vil geschriffst da bei yn, das er solt ein demütigs exempel fürtragen, das ist auch war, daz du aber sehest das die drei kronen nicht sein des baptes, so nim des crűgß war das vff den kronen stot, daz wűrt dir wol ein anzůgens geben, das solche kronen vnd eer sei

des crüzigten gots, des er ein stathalter ist, vnd nit des bapsts. Ich laß mich es auch nit irren das du sagst cristus hab vor Pilato, bekennet, das sein reich nit hie sei in was meinung er das geret hab, ist wol zü ermessen, so dy er das geret hab, ist wol zü ermessen, so dy anflag der iuden was, das er sich solt für ein künig vff werffen wider die römer, als der den römern vnderstünd ein zeit [F₃] lich künigreich züentfrembden vnd zucken, sich billich verantwort, das der massen er kein künigreich vff erden het, hat aber dabei nit verlögnnet, sunder dapffer gestanden, daz er ein geborner künig wer des iudischen lands vnd reichs darumb ist dein ynred niendert für, sunder ein lere red.

Die klag die du fürest wider die Cardinal, das sie der cristenheit zü verdampnis vnd zerstörung erdicht sein, setz ich zü erkantniß des Conciliums, desgleichen auch von den tütschen Cardienälen, von den annaten, vnd sechs monaten, die pfründen zü verleihen, vnd andere vil beschwerden vnd mißbruch, die du nach der leng fürwendest, wie vnß der bapst mit denen alles vnser güte vß sug, biß vff das marck im hein, vnd müssen vnser tütsch land schier alle fünff iar wider von im erkauffen, vermeinest er sei kein hirt, sunder ein schedlicher wolff, vnd schedig die cristenheit me dan kein Türck ie gethon hab, vnd solchen geiz erzelestu mit vilen vnd dapffern worten nach der leng, mit hohen begirten vnd bit zü allen tütschen fürsten der gemeinen vnd fallenden cristenheit zü hilff zü kummen zc. Laut deiner artikel.

Darzü sag ich als ein alter wolff der solche geschrey mer gehört vnd verlesen hat, mit namen bei keiser Sigmundus zeiten, der auch ein reformation gemacht hat, was competenz ierlich ein bapst haben sol, Cardinel, bischoff, thümherren vnd andere. Es ist aber wider vff den schlaack kummen, wie es dan iesz ist. Item ich find in Fasciculo temporum also geschriben. (Nota que hoc anno crebre leguntur reformationes facte que inter omnes de [F₃^b] fierunt propter mortes venerabilium patrum. Das ist also vil zütütsch. Merck das in disem iar gelesen werden, daz vil reformation vnd ermanung geschehen sein die nüer, doch alle abgangen

sein, von wegen der töd der erwürdigen veter. Also ist hie auch zu mütmassen, so großer kosten ein concilium zu versamlen geschehe, vnd die christenheit mit großer arbeit sich erhöh, so würd es alles bestendig bleiben, wie alle menschliche hendel bestendig sein biß har bliben, mit namen so ich verstand, das der Papsst auch her wider begere, wöl man in reformieren vnd sein Cardinal, sol man dar gegen auch alle bischöff, ept, thümherren vnd prelaten der cristenheit auch reformieren, vnd iren bracht ab thün, meiner achtung ein billiche bit eins vmb das ander. Ich besorg das feuer sei allenthalben in dem dach, vnd werd alles schlecht, ob schon ein concilium würd on der hirtenstecken, vnd bleiben dannoch herren, herren, vnd arm lüt, arm lüt, dan das der kosten vber den armen gat, vnd im dannoch gang nichts geholffen würt, oder ob im schon geholffen würd, so weret es ein vesper vnd ein feyeraben, das man darnach müg in das bad gon.

Nun ist aber vnser meinung gar nie gewesen, von disen mißbrüchen zu reden sie zu versprechen, oder in einicherlei weg vnß der selben zu beladen, dan allein was vnseren glauben berüren möcht.

So ich aber das maul so weit hab vff gethon, so muß es doch herauß, vnd gib der besten meinung zu verston, [F₄] so ie ein concilium erfordert würt, das vor allen dingen ermessen werd, wer den kosten tragen sol, dan es wil mich ie beduncken, das der adel vnd die burger-schafft mit sampt allem weltlichen stand nichts damit zu schaffen haben, wie die geistlicheit ire mentel oder pfründen kaufen, oder verleihen also, das sie des sollen enicherlei kosten tragen, dan nach ihrer anzal, wa etwas irendthalben vnd von des gemeinen glaubens wegen solt tractiert werden, als dan wer billich, das sie sich irer rat vnd anzal nit sperretten. Mit weiters wil ich daruon geret haben, was mißbruch oder beschwerden sein, vnd seß das genzlich keiserlicher vnd Hispanischer Maiestat, mit sampt den durchlüchtigen Churfürsten vnd fürsten zu ermessen, ob ein Concilium sol begert werden, oder dise beschwerden sunst mit geschickten mitlen möchten hingelegt werden. Dan es wil mich ie beduncken, alles das Luther fürwendet, sei

des groſen kostens vnd der müe nit würdig ein concilium zü begeren, man wiß dan vorhin wer den wirt bezale.

Ich het vermeint, so du also trefflich nach einem concilio süßtzest, du würdest dem selben zukünfftigen Concilio erkantnuß (vnd billich) heim setzen, durch den heiligen geist allen mangel vnd breſten zü erstatten vnnnd besseren, so lastu ein solichen rechtlichen weg fallen, vnd fahest an tödlich zü handeln.

Erstlich mit den Annaten, das ein ieder fürst, adel, statt, in iren vnderthonen frisch an gebiet die Annaten gen Rom zü geben, vnd gar ab züthün, dunct mich ob [F₄^b] el geraten, das die vndern das on Keiserlichen beschluß thügen. Dan du haſt ob gesagt, es haben vor zeiten tütsche keiser vnd fürsten verwilliget dem bapst die annaten vff allen lehen tütscher nation hnzünemen. Haben nun die keiser verwilliget, warumb wolt dan iemans der minder wer dan der keiser on sein wissen vnd willen daz abthün, daryn er verwilliget hat. Darumb dunct mich die annaten ab züthün, dem keiser billicher zü gehör, dan den vnderthonen.

Weiters ratestu dem tütschen adel, daz sie hinfürt kein lehen mer lassen gen Rom ziehen .xc. Laß ich ston für seinen werd, so fer, daz im niemans in eigner sach vrteil sprech. Doch vertrauw ich dem frumen adel, das sie sich wol wissen darunder zü halten.

Vnd wil mich kurz abfertigen in allen den stücken dy vnsern glauben nit berieren, vn in der taden ston, vnd nie in dem rechten dan ob das oder diß güť sei, wil me in erfarener fürsichtikeit ermessen werden, dan in büchlin verscriben. Darumb laß ich das die hochuerstendigen vnd die oberkeit vnserß glaubens verordnenen, welcher sachen sich die Offtitel sollen vnderziehen, oder ob ein gemein consistorium in tütschen landen sol vff gericht werden, vnd kein Curtisan die priester laß citieren, die vorbehaltenen Casus vnnnd fell ab zü thün, auch die Bápstliche vorbehaltung, daz der bapst offitia vnd sein hoffgesinde mindre, die verpflichtung in eids krafft nit me beschehen sollent. Das der bapst vber den Keiser kein gewalt habe, Der keiser im auch nit sol schuldig sein zü hulden. Der [G₁] bapst allein geistliche vnd nit weltliche empter vollenbringe, vnd ob

die gab Constantini falsch sey, das er Sicilien vnd Neapolis nit sol Iehenher sein, im seine fieß nit sollen geküßet werden, die walfarten gen Rom ab sollen gestellet werden, ettlich clöster abdieg, die münch nit mer predigen vn beicht hören solten, nit so mancherley orden seient die gilüpt der geistlichen ab sey, daz die priester mögen ee weiber nemmen, das interdicit abgethon werde, vnd den ban nit mißbruchen, kirchweihung, sil feirtag, vnd fastag, feltkirchen vnderthün, vnd deren gleichen sil, so du in langer ordenung mit Ieren worten allein vnd on alle geschriff an tag bringst vnd offentlichen beklagest, welche beklagen beschwerden, vnd mißbruch der christlichen kirchen vor dir noch von andren mer treffentlicher seint geklaget worden in Alvaro in dem büch von dem truren der kirchen, vnd in dem büch Speculum humane vite genant, vnd von Erasmo Roterodamo in seiner Moria, vnd in dem biechlin das man nennet de Petro sancto et Julio sanctissimo, vnd in filen Pasquillis, in Triade romana, vnd sil andren mer, wie wol ettlichs schmachbiechlin mögen erachtet werden, vnd ist dennoch alles vngebesseret biß har also beliben, Ist es dan gottes wil das es ieg sol gebesseret werden, vnd alle mißbruch seiner kirchen nit allein die du nennest, sunder alle andren in allen stenden die du nit meldest, so geschehe sein göttlicher wil in himmel vnd vff erden, wir wellent vnderthenig gehorsamen, wir habent dir auch darüben nit wellen antworten, so es vnserem glauben weder gipt noch nimpt, auch dich verarg=^[G₁^b]wenigen daz du dise ding allein darumb einzühest, dir ein gunst vnd anhang da mit zü erschöpffen daz du deinen bösen somen so du wider den glauben vßgoffen hast, da mit gern begertest vffzügön, vnd nit daz dir so hoch daran lige ob die ding alle gebesseret werden oder nit, solchen argwon ermessen wir daruß daz du dise grollen erst vß geschüttet hast, nach dem vnd du in des bapst vngnaden kummen bist, vnd in rach gegen im bewegt so sprichtman ondaz sintz mundt redt nie güg, dan wa du ein gemeiner christlicher ströffer werest, solt dein straff gemein sein, vnd findest wol bei dem adelischen stat so sil zü straffen vnd bei dem peürschen alß bei dem bapst vnd dem geistlichen, aber du thüst nüt damit, dan daz du dein

menschliche ansechtungen da mit verradest, so stat Actuum.
 v. geschriben, Ist es von menschlicher erdichtung, so würt
 es selb zergon vnnnd in scheitteren fallen, vnd vorab so
 du die ding alle vnderstast on recht sunder dötlich zu be-
 haupten. Es würt von nöten erachtet, ein antwort zü
 geben etlichen vnuernünfftigen die vnß für feind achten, so
 der warheit so auch deütschen nation, alß bald sie hören
 daz wir nit mer den vnseren mund vffthünt doctori Mart.
 lu. zü widersprechen. Nun habent wir in dem anfang
 vnserß schreibens vnß dapffer vnd verstantlich protestieret
 vnd bezüget, daz wir allein in den sachen vnserß glaubens
 wellent vnser meining zü verston geben, vnd wa wir wider
 Mar. lu. glauben im sein mißverstants nach vnserem ver-
 mügen antwurten, vnd daz mit bescheidenheit, on an dem
 ort da er den bapst ein entchrist nennet haben wir vß
 hohem vcrdruß in heissen liegen daz er die höchst vnd
 christliche oberkeit dem teüffel zü henden stellet wider daz
 verheissen christi, vermeinen auch [G₂] daran nit zü sünden,
 daz wir zü rettung vnserß glaubens schreiben vnd in wider-
 sechten, dan wir alß wol christen leüt seint alß er, vnd
 vnß gebüret alß wol vnser jelen seligkeit zü ergrinden als
 im, Vnd zü lest vnser speen zusehen heim gemeiner christen-
 heit ein rechtlichen spruch darumb zü erwarten, vnd den-
 selben zü ston, Habent vnß auch der Römischen mißbruch
 gar nit wellen beladen, noch die selben verantwurten, als
 die des kein beuelhe haben, hett vnß aber vnrecht, vnfrintlich,
 vnd deütscher dapfferkeit vngemeß beducht, das man einen
 vnanlagt vnberieffet, vnuerurteil, der massen sol zerbeissen,
 vnd zerreißen in seinen eren, alß kein hund oder wolff
 detten einen dodten keiben, der noch die oberkeit ist christlichß
 gläubens, vnd seiner wörden vnd eren vnd ampts vnent-
 sezet. So wil ich in warheit sagen daz nie kein hippen-
 büß schentlicher ist vßgerieffet worden dan der Bapst, vnd
 wen er ie ein mörder were, oder der bößest vff diser erd,
 so solt doch mit im nit also dötlich sündler rechtlich gehandelt
 werden, ein solcher freuenlicher mütwill belib den iuristen
 wol vber, aber den Theologen, vnd lerer der geschriff vnd
 des ewangeliums, mag das nit vberbeleiben.

Darumb das wir es noch mit dem Bapst halten sol

vns nit in argem verfüreret werden, sunder zů gůtem daz wir es von iedem gůt meynen biß er mit recht vberwinden ist, wie vil mer von dem Bapst.

Ir solt auch daz von vns wissen, daz vns vwer vffrierigs fürnemmen wider den bapst nit würt bewegen, er hab sich dan vor versprochen vnd sey zů verhöre kummen, darnach wir [G₂^b] dan vß seiner antwurt hören, wellent wir vns halten nach gelegenheit der sachen als frum, dapffer, christen leut, wellent ir vns dan ie vmb des willen feint sein, das wir zů den sachen vnserß glaubens reden, vnd den Bapst nit wellen vertreiben es sei dan vff in bracht mit recht waz ir von im vßgeben, in dem nammen gotts das miessen wir leiden, in hohem vertrauen das die frummen deütschen vns deß hölder seient, so wir dem bapst weder helfen noch enthelffen in solchen mißbruchen, allein das rieffen, ratten vnd schreiben, das man got zů eren solches mit recht vnd christlicher messigkeit vollende, vnd nit mit solchen schmehe-lichen gßchrißten, wo ir dan ie dise vnser entschuldigung vch nit lieffen ersetzigen, sunder wie ir truwen mit vns beren zu sahen vnderstůnden, solt ir vns der massen nimmer also kleinmietig crachten, das vns vwere trów wort von vnser dapfferkeit abziehen, vnrechtlichs zů vnderston bewegten, wer weiß wer dem letsten beren die hut würt abziehen, vund den andren schenden ich wolt gesagt haben schinden.

Das keyn gemein in stetten hab gewalt ein bischoff oder pfarrer zů setzen.

Du bringst aber ettwas nůws harfür wie daz wir vß dem apostel Paulo lernen klerlichen, das es in der christenheit also solt zů gen, das ein iegliche stat vß der christlichen gemein, einen gelerten, frummeu burger erwelet, [G₃] vnd dem selben das pparampt beuilhe, vnd yn von der gemein erneret im frey wylkur ließ eelich ver- mehelet werden oder nit. 2c. Vnd daz sol sant Paulus schreiben i. Thimo. iii. vnd Ti. i. Darzů sag ich daz an deren orten keinem stant das in die gemein mög ein pfarrer welen der vß solcher wal hab die sacrament zů ministrieren, du thůst sant Paulo vnrecht, vnd weifest vns aber zů sůchen

da wir nüt finden nach deiner gewonheit, wol stat da was eigentschafft ein bischoff haben sol, das yn aber die gemein zü erwelen hab, vnd in krafft der election mög die sacrament ministrieren, daz findestu aber weder da noch anders wa, es stat wol da das sie weiber mögen haben, aber zü dem selben woltestu vns gern das auch drein verschlagen daz die bischoff eyn gemein hab zü erwelen, das nit ist.

Es stat wol das widerteil da Ti. i. Schreipt sant Paulus zü Tito. Darumb hab ich dich zü Creta gelassen, das du was da manglest, besserest, vnd sezeest in den steten priester, alß ich dir verordenet hab, hörestu das Paulus schreipt Tito dem bischoff priester in steten zü sehen, lut seiner ordenung die er im verlassen hatt, vnd nit der gemein die ir leptag nie gewalt hat vß götlichen gschriffen priester zü welen oder machen.

Des gleichen ist Timotheus von sant Paulo vnd nit von der gemein gesezet oder erwelet worden .i. Abd. Ty .iiii. Du solt nit versumen die genad die in dir ist, die dir geben ist durch die prophezey, vnd vfflegung der hend der priesterschafft, vnd .i. timo. i. Vmb welche vrsach ich dich ermant, daz du erweckest die genad gots durch die vfflegung meiner [G₃^b] hend. Vnd ca. ii. das beuilhe gleübigen menschen die geschickt sehent ander leüt zü leren, Warumb gipt er dir beuelhe nit der gemein, oder wa hastu dein leptag gelesen so ein priester würt durch vfflegung der hend, daz die gemein ie menschen die hend vffgelegt hab, ob du aber sagtest ihe hetten das den bischöffen in irem nammen beuolhen zü thün, Doce de mandato, daz zeig vns mit gschriffen an.

Darumb hettestu es wol bei den götlichen gschriffen an so manchen orten lassen beleiben, das Cristus der erst priester vnd ewig, die apostolen verordenet hab zü priesteren vnd die apostolen weiter verordenet haben andre zü priesteren, vnd leuiten alß von sant Steffan stat in den geschichten der .xii. botten.

Das aber ein bischoff vnd ein pfarrer ein ding sei vnd sant Paulus das sprech, oder auch Hieronimus, daz sag daz würt sich nimmer finden, aber daz wil ich wol gelauben daz in anefang vnserß glaubens die bischöff der priester empier geiebet haben, da durch möcht erachtet werden,

das es ein ding were so es doch nit ist, dan alß noch nit priester verordenet waren, müsten die bischöff priesterliche empter tragen, alß so die knecht nit zu huß seint, muß der her zu disch dienen, vnd ist dennoch ein vnderscheid zwischen dem herren vnd den knechten, waz aber vnderscheid sei vnder einem bischoff vnd priester, würt zu seinen zeiten vß der geschriff darthon werden, dan die bischöff, alß bischöff seint von keiner christlichen gemein vber die pfarrer gesezet zu regieren, sie habent wol sunst von den Conciliis gewalt empfangen daz laß ich iez ston. Der priesterlichen eeweiber halb [G₄] erstreckestu ein lange red, wie es besser were daz man hn gestattet eeliche weiber dan also vnshamhafftige beischlefferin zu gestatten, daz laß ich alles ston, dan es dem glauben weder gipt noch nimpt, In dem namen gots wil die gemeine christenheit daz ie wider zu lassen, ich bin des wol zu friden, es werd gestattet paffen, munchen, oder pfarrerstant.

Du sprichst das der Pappst nit macht hab küscheit in geliüpde zu entpfohen oder den priesteren zu gebieten alß wenig er macht hab zu verbieten essen vnd drinden vnnnd den natürlichen vßgang oder feißt werden, das dunct mich ergerliche wörter, rechestu es ie gleich, warumb gebüt got vnkeüsheit zu meiden denen die nit in eelichem standt seint, sie möchten mit dir sagen essen vnd drinden vnd anders auch muß sein vßgang haben.

Es ist auch ergerlich geredt von allen lieben heiligen mit nammen von sant Paulo der das den stich Sathane nennet vnkeüsheit so in ansuchte, vnd du vergleichest es einem natürlichen vßgang. Wie haben die heiligen so grosse angst vnd not gehabt die vnkeüsheit zu widerfechten von dem du sagst es vergleich sich einem natürlichen werck das nit kan vermitteln beleiben.

Erfordret iez in der latinschen kirchen der priesterlich stat keüsheit, so ist wol zu ermessen, daz solches ob es ein priester wol hart ankumpt, nit destminder mag er küsheit halten mit der hilff gots, vnd ist nit also vnmüglich alß du es machst, sunst miestest wir des gleichen reden von allen andren menschen deren etlich in eelichem stant keüsheit gehalten haben. Verneßt darnach zwei stück meiner achtung

vnbillich, so sich einer [G₄^b] priester weihen laßt sol er sich widren, die keüßheit zü versprechen, dan niemans den englische stercke, vnd himlische macht mög küßheit halten, was ist dan daz Cristus sagt Mathey .xix. das etlich inen selb vßgeworffen haben (verstand in dem herzen) von wegen des reichs der himmel. Zü dem andren wie man sol ein solche hyschlefferin dem bapst heimlich stelen für ein eefrauw, alß die iuden iren verdienten lon den egiptiern stalen, das ist gar ein vngleichs exempel harzū, vnd ein vngeschickter sattel vff diß roß, dan stelen ist verbotten, darumb miestu vorhin darthū das die concubin sein verdienter lon were, Vnd zü dem andren das solches zü thūn got geheissen hatt, Ich find aber nit daz hendert got hab also gelernet eefrauwen steelen, Darumb ich sil ee radten wolt einem der küßheit nit wil geloben daz er nit priester würde, sunder ein eeman so darff er des diepstals nüt, man sol vffrichtig vnd nit dückisch oder dopel handeln, nein vff der zungen haben, vnd ia im herzen, vor dem bapst sie für ein eefrauw verneinen, vnd vor got verachtzen.

Du meinst der Bapst hab sil selen zü dem teuffel verrieret, mit der gelopten vnd erfordreten keüßheit, daz ist aber keinem menschen wißlich, wer weiß aber wie sil dagegen mit der gelübten der küßheit seint selig worden, Darumb du nit vß solchen vnsicheren reden soltest gezogen haben, daz der Bapst würdig were vß dem ertrich zü vertreiben, du klagst vnd reißt sil, vnd bringst nüt bey, oder bewereßt nüt, macht alles deine vermessenheit, daz du vnß also dorecht achtst, alß ob wir deinen worten wie dem [H₁] euangelio glaubten.

Du sagst es sei nie güts vnd werd auch nimer gütes vß dem bapstenthūm kumen, wer billich das du des ein anzögens thetest, got hat vnß in dem euangelio ein oberkeit geben, deren sollen wir billich in zimlichen gehorsamen, es nimpt mich wunder, wa du mit deiner heiligen geschriffst bleibest.

Nachgonds sagstu, got hab gebotten, das man vnd weib niemans scheiden sol, daz ist war. Mathey .xix. Es stot aber gleich auch dabei, das etlich küßheit angenommen haben, von wegen des reichs der himmel, zü latin. Sunt enuchi

qui se ipsos castrauerunt propter regnum celorum. Dabei klarlich mag beider stand von got beweret sein der eelich, vnd der iundfrewlich. Darumb es mich dunckt du gebst dem eelichen zü vil zü, so du sie billich beid lieffest bleiben, vnd doch den iundfrewlichen den höchsten erachten. Das du aber sagst, das man vnd weib niemans scheiden sol, daz ist war in eelichen. Wie kan aber der ein eeman sein, der nit in eelichen stat zü verwilligen hat, sunder küsheit gelobt zühalten, so ist es doch in seinem freien willen gewesen. Ich glaub das die cristenheit nit ungenottrengt die gelübden der küsheit von der priesterschaftt erfordert hab. Wan sie es wider einhellig abthüt in dem namen gottes, als dan wöllen wir vnß gehorsam erzögen, dunckt mich erlicher dan also eefrawen lüginhaftig stellen, es sol mit den Sacramenten nit also diebsch, sunder dapffer vnd warhafftig vmbgangen werden.

Item du sprichst daz in dem ganzen bäpstlichen gesaz [S,^b] nit dri zeilen sein, die ein frumen menschen möchten vnderweisen, befremt mich daz du vff dem fischmarckt brot kauffen wilt, vnd vff dem rathuß betten, was wiltu vnderwissen sein andachz, daz süch du in dem euangelio, du darfest das in den geistlichen rechten nit süchen. Wiltu aber des rechten in geistlichen hendlen bericht sein, das findstu da selbst, vnd retst das mit der vnwarheit, das nit drei zeilen darin sein, die ein frummen Cristen möchten des rechten vnderweisen.

Aber mit der file der gesaz, da halt ich es warlich mit dir, das vil da sein gebotten, daz beser wer sie weren ab, vnd gib dir des ein verstand, erstlich mit fasten, du weist daz wir tütschen nit gern fasten, got geb man gebiet zü fasten oder nit, vnd thün dannocht vurecht daz wir wider die verscribnen gebot sünden, wan sie güttlich abgethon weren, so weren wir der sünden entladen. Deßgleichen mit feyren sitzen wir vnd feyren vff den stuben in der kanten, in dem bret, vnd an dem dank. Bei den zweien stücken verstant die andern alle. So nun on allen zweiffel solche gebot got vnd den lieben heiligen zü den eren der aller besten meinung vff gesezt sein, vnd aber iez der meinung nit me wöllen gehalten vnd verstanden werden, dunckt

mich geschickter geraten, das man alle solche gebot vnd beschwerden vßzüg vnd anzögt, mit gemeiner bit vnß solcher beschwerden zü entladen, vnd nicht also mit feusten daryn schlagen, vnd den blunder gar verwerffen, vnd ein ratten hauffen daruß machen, wie du aber eins mit zornigem haupt geraten hast. [S₂]

Auch kan ich das nit für gon: das du sagest, der bapst verbiet den eelichen stand, vnd des müß goß gebot vndergon, vnd der eelich stand. Darzū sag ich, das zü heuraten oder zü der ee greiffen niendert geboten ist von got, sunder in freiem willen stand, vnd wa du das harfür zühest, in dem büch der geschöpff wachsen, vnd meren eüch .xc. Das ist kein gebot, dan wa einer nicht wüchße, so thet er wider das gebot, wa es ein gebot were, vnd sündet. Nun ist aber wachsen in vnserm gewalt nit, aber die sünden sein in vnserm gewalt.

Mit den vorbehaltenen sünden, das die oberkeit inen etliche sünden vorbehaltet die nit ein ieder priester hab zü absolvieren. Sag ich darzū es ist anfenglich in der besten meinung beschehen, daz solche schwere fel, als morden, iunckfrawen schwechen .xc. Vnd andere dergleichen, dest weniger geschehen, wa sy nit leicht gnad, vnd geringes nachlassen sünden, wil aber ie ein mißbruch vnd ein kauffmanschaz daryn kumen, in dem namen goß, so werd das mit andern mißbrüchen auch gebessert, aber nit nach deinem rat, das gleich so solch fel nit weren abgethon, dir wolt gebüren, deinem brüder oder deiner schwester, wer die weren zübeichten, vnd von inen absolution erlangen, dan got den priestern gewalt geben hat, die sünden zü binden vnd zü entbinden, das ist dareyn zü erkennen, vnnd nicht einem ieden leyen, es were dan sach das du allen fleiß anköret hettest [S_{2b}] priester züüberkumen, vnd dir nit müglich wer priester zü haben, als dan gibt dir die not zü, einem leyen zübeichten. Aber so du priester hast, so beicht im alle dein sünd, ob er dich schon von den vorbehaltenen sünden nit wil absolvieren, so schaffstu dannocht mer das selbig einem priester, dan einem schlechten leyen zü beichten, daruon wil ich ick nit geflißner reden.

Es wer auch not, das die iarzeit, begendniß seelmessen

gar abgethon, oder ye geringer würden, das solches gut wer, verstand ich nit, daz du aber vermeinst, sie werden geschmattered vnd on andacht vollenbracht. Darzū sag ich der gleich miest auch alle administration güter werck abgethon werden, so niemans wißlich ist, mit waz ynnwendigem andacht das geschicht. Es ligt auch sunderlichs nit vil daran, mit namen vbung der Sacrament an dem andacht des priesters, dan sie haben ire krafft vß dem verdienst cristi des stifters. Vnd ob du schon vil meintest in dem iar nur einen herz ernstlichen vnd andechtigen iar tag für alle güttäter züstifften, sag ich das solchs nit müglich sy von dem menschen züstifften, den des hertzens andacht kan allein got erwecken vnd erkennen vnd ob man schon alle vßenwendigen anzögunen eins erdichten andachts thet, so das herz da bei mag falsch vnd ful sein, darum bleibt es billich bei der vßenwidigen kirchen vffsatzung der vigilien vnd messen, dan von verborgenen dingen vrtheilet got vnd nit die kirchen, dan ob schon des priesters personlicher andacht nit dabei ist, so ist doch der kirchen andacht dabei vnd des frumen stifters [S₃] vnd das ist gnüg vnd me erschüßlich zū ewiger selikeit so einer gemeiner cristenheit andacht bit, dan ein eingige person.

Aber das Mathei .vi. daz vil wörtig gebet verboten ist von cristo, ret er von sunderlichem gebet eins ieden, vnd nit von den gebetten vff gesagt von gemeiner cristenheit, er müst sunst den psalter auch abthün, das nie die meinung cristi was.

Du blaffest auch hoch vff von wegen des interdicts, das es der tüffel hab erfunden daz es der böß geist erdacht hat. Dan wie du sprichst, ist es nit ein tüffelich werck, das man ein sünd bessern wil mit vil vnd grosen sünden, es ist ye ein größere sünd, daz man gottes wort vnd dienst nider legt, dan het einer .xx. bapst vff ein mal erwürgt. Darzū wolt ich lieber lachen dan antwurten, dan an villen orten magstu wol mit vermeintem andacht raten vnd reden, aber was zū dem rechten dienlich ist, bistu meiner achtung nit ganz bericht, das hab mir nit verubel, also möchtestu auch sagen, wa, vmb einer sachen willen land vnd lüt verderbt würden, vnbilich wer von einer taben wegen so

vil güts ab zůthün, das durch die möcht beschehen die rechtlich gestrafft vnd verderbet werden, ich wolt dir hie tusent exempel geben auch vß der heiligen geschriff, so ist es nit von nöten, dan in solchen fellen der rechtlichen straffen die sach vnd nit die nach folg ermessen würt, also wan einer gemördt het, solt man in auch nit töden, sunder das noch vil güß durch in in seinem leben beschehe, solt lassen leben. So nun das interdicit [S₃¹] ein straff ist des rechten, sol nit betracht werden waz güß solche straff hindere, sunder was güß solche straff rechtlich fürdere, darum die straff nit der tüffel erfunden hat sunder die sünd, vnd got hat die straff vber die sünden erfunden.

Wie der ban sol gebraucht werden.

Wen dem ban das du sagest er sei iez ganghafftig vmb das zeitlich güt, der solt auch gereformiert vnd gebeseret werden, das er nit würd gebrucht, dan in denen felen, die in der geschriff sein angezögt, da bin ich nit weit von dir, vnd sag in wahrheit, das die ordenlichen richter den ban zů vil vnd me dan zů vil mißbruchen, zů grossen schanden der cristenheit, vnd vnserem heiligen glauben, als ob sie mit einer art ein floch ermörden wolten, ein solche grosse straff offt vmb ein hellerlin bruchen, so es doch an dem tag ligt, das die heiligen .xii. botten den ban nur in trefflichen sachen haben gebrucht des zög ich dir fier ort an. Das erst ist Actuum quinto als Ananias vnd saphira die gemein der cristen betriegen wolten, bannet sie Petrus beid, das sie vor im des gehen tods starben. Das ander ist Corintheos .5. spricht sant Paulus. Es würt warlich vnder euch erfunden unküsheit, deren gleichen nit ist vnder den heiden, das einer die haußfrau [S₄] seins vatters nem zů der ee, darumb sol von eüch hingenomen werden der, das gethon hat. Ich abheimsch mit meinem leib, aber gegenwürtig in dem geist, hab iez geurteilt das der gegenwürtig, der solchs gethon hat in dem namen vnserß herren vnd gottes Jhesu cristi, so ir versamlet sein mit meinem geist in der krafft des herren Jhesu, den menschen zů geben dem tüffel, zů fal seines leibs, das sein seel behalten sei

in dem tag vnserz herren Jhesu cristi. Das drit ort ist .i. Ad Timo .i. In welchem glauben etliche vß verachtung geschiffbrücht haben, vß welchen ist Himeneus vnd Alexander, die ich dem tüffel geben hab, das sie lernen nit also lestern. Das fiert ist Ad. gala. .i. Vnd ob schon ich oder ein engel von dem himmel anders das euangelium lere dan ich üch daz verkündet vnd gelernet hab, der sei in dem ban. Diß sein fier ort die ich find, in was sachen die zwölffbotten den ban gebrucht haben. In dem ersten fal, darumb daz Ananias die gemein hat wöllen in zeitlichem güet betriegen, wil mich beduncken, du thügest im zü vil daran, das du sprichst, man sol den ban nit vmb zeitlich güet bruchen.

Nun hat in doch sant Peter in Anania vnd Saphira vmb zeitlich güet gebraucht, darumb glaub ich das man den ban auch in zeitlichem güet bruchen mög, aber zü groser seltsamkeit, wa iemans in zeitlichem von dem andern betrogen würd. In dem andern fal, wa verbottenlich geweiht würd, wie ob stot, daz einer seins vatters frawen zü der ee nem. In dem dritten fal wa in dem glauben geirret würd. [S₄^b]

In dem fierden, wa etwas wider den glauben geprediget würd. Vß welchen fier felen klarlich ermessen würt, das der ban nicht in so leichtfertigen sachen solt gebrucht werden. Auch dabei, das der ban in zeitlichem güet mag geübet werden, lut des ersten fals.

Das du aber dabei sagst der ban sol in keinen andern sachen dan in den ob genanten fier stücken gebrucht werden, dunckt mich on warheit sein, von wegen der wörter cristi der da sagt Mathey .xviii. Sündet dein brüder wider dich, so straff in zwischen dir vnd im, hört er dich nit so sag das der oberkeit der kirchen, höret er die auch nit, sei er dir als ein vngleubiger. Dan fürwar sag ich euch was ir binden vff erden, sol in dem himmel gebunden sein, vnd was ir vff erden vff lösen, sol in dem himmel vff gelöset werden. Dise wörter cristi thün ein offenlichs anzögen, das in meren sachen dan in den fier obgenanten mag der ban gebrucht werden. Aber seiten mal die zwölffbotten den ban allein so in treffenlichen sachen gebrucht haben, ist fast wol zü mercken, daz die richter auch allein in dapffern hendlen den ban bruchen solten, vnd nit vmb

ein halben dutzen nestel also die cristen verlüten, verschieffen, verbrennen, vnd dem tüffel geben, also daz iez oft die tüffel frümer sein dan die richter selber, so sie die selbigen von in verbanten in der hellen nit wöllen wissen, sehen oder hören.

Ob nun iemans sprech, sollen wir richter den ban allein in schweren hendlen bruchen, wa mit wöllen wir dan die täglichen zenc vnd heder der christen lüt nider legen, duncket mich es were vil besser, ir liesen das die [S₁] burgermeister in stetten vfrichten vnd ire weltliche oberkeit, vnd ginent ir in die kirchen, den psalter darfür lesen, wo aber geistlicher sachen ir vch beladen miesten oder billich solten, habent ir noch sil mer andre straffen dan den ban, was aber die straffen seient lügent i. Corin. v. da spricht sant Paulus, seint etliche brieder vnder vch, vnkeüsch geitig, den abgötteren dieneut, vbelredner, druncken reüber, mit denen soltent ir nit essen, da habt ir ein straff vssenwendig des bans das man mit einem weder es noch drinck so er das billich beschuldet hat. Item Tessalo iii. habt mit den schuldigen nüt zü schaffen, das sie sich schamen miessen. Vnd .ii. thimo. iii. etlich vermeid ad Ti. iii. ein vngleübigen so du yn zweimal gemant hast den vermeid. Vnd Johannes in seinem andren brieff spricht kumpt iemans zü vch vnd bringt nit mit im dise lere so entpfohent in nit in vwer huß, auch griessent in nit. An disen orten habt ir ein gütten bericht von mir, das mer straffen habent in den götlichen biecheren, dan den ban die ir möchten bruchen nach gelegenheit der hendel vnd der personen.

Also hastu Luther ein verstand meiner wort als ich anefenglich redt daz ich nit weit von deiner meinung were des bans halb, das man in mag in zeitlichen gieteren bruchen, vnd in sil meren sachen dan in der gschrift angezeigt ist, aber nit so leichtfertig als biß har beschehen ist.

Die andren geistlichen penen, suspension, irregularitet, Aggrauation, Reaggrauation, Deposition, Dondren, blixen vermaledeien, woltestu das solche findlin zehen [S₁^b] elen dieß begraben weren in der erden, vnd thüst in dem fal wie etlich böse knaben dy in die galgen sülen hauwen, vnd den hanß vfrupffen, vß forcht daran ein mal zü erwürgen, auch wie die bösen kind die ire rüten verbrennen, dan es

mag fast wol bewißen werden vß der heiligen geschriff, das solche straffen sollent vber die bösen gen. Es ist auch nit war daz der tüffel die straffen erdichtet hab, wie ob gesaget ist, dan der teüffel ist ein erfinder der sünden, vnd got ein straffer der vbelthaten.

Nun kan dennocht das vbel nit vngestraftet beleiben, so gilt es in dem sal gleich ob es mit disen oder andren penen geschehe, gefallen dir die nit, so zeig vnß andre an in gots nammen, es gipt nüt, so nimpt es nüt, daz nur das böß gestraftet werd, du woltest gern der gemein damit lieblosen vnd sie vnstrefflich machen, so sich der straff anders niemans beklagt dan der sie verdienet hab.

Der feiertag halb das man sie abdieg, vnd nit einem ieden gebüren solt feiertag zü setzen, vnd das vnser frauen fest oder der .xii. botten vff den suntag geleyet würden, Ich gedenc du radtst das vß solchem grund, das dest minder vff den stuben, vnd in den tabernen gemütwilliget werde, vnd iederman seinem werck dest geflißner anhieng, ia wan wir des sicher weren, das es also würd geschehen, hett es wol ein güte meynung.

Aber wir sehen das von allen handtwercken, so ein ganze woch ist, machen sie inen selbs ein feiertag, dunckt mich gelegener sein, daz der Bischoff die feyrtag mach dan die schneider oder schüknecht. [S₂].

Der drinckstuben halb wehß ich warlich nit was ich sag, es seindt vil spill zü thün vff heilige tag verbotten worden vnd offft, Nun lassendt wir es ye nit wir kument vff den stuben züsamen, sollendt sie nun das oder diß nit thün, vnd kan doch der mensch als ein vnriegigs thier nit mießig gon, was sollent sie dan thün so sie zamen kummen, zü latin omni negationi preest vna affirmatio, Da düchte mich geradten sein, das ein ieder sehne rocken oder kunkel mit im brecht, vnd spünnen mit eynander, so hettent wir dest mer güter hembder. Da bey will ich zü verston geben, das sil ding geduldet vnd erlitten mießen werden, die nit recht seint.

Das man aber die kirchweihungen abdieg, dunckt mich nit güet eincherley andechtigen vnd loblichen gotts dienst abzüthün, von des menschlichen mütwillens wegen, dan man miest sunst alle kirchen abthün. Dan ich niendert ort noch end weiß wa grösser hürery, vnd bülerery geschicht dan in

den kirchen, vnd wa sie niendert zammen mögent kummen, sparendt sie das an die heiligen ort vnd end.

Aber man sol vff kirchweihung vor dem bösen sein, so fast man mag, was nit mag gehindert werden, leidt man mit dem guten, (lut des ewangeliums) vff zü wachsen, biß vff die eer gottes, da er das güte würt von dem bösen scheiden, Das aber got sein eigen gesatz so er von dem himmel geben hatt vffgehabt hab, ist nit war, vnd wider [S²^b] die wörter christi Mathei .v. spricht Cristus, ir sollent nit vermeinen das ich sei kummen vffzühoben das gesatz oder die propheten, sunder zü erfüllen.

Woltest auch gern das in den dritten oder fierden, vnd in die geuatterschafft möcht geweibet werden, da redstu gar nit züm zil, der iud hat nit mögen erlitten werden, darumb daz iedes geschlecht im zü güten, vnd den andren zü schwerem nachteil vnd vndergand in die nechsten grad weibet, hat menschlich vernunfft notturrfft vnd zwang erfunden, in die ferre der grad zü weiben, daz menschliche früntschafft dest stanthafftiger belibbe, vnd vß filen andren echaftigen vrsachen vnnot ick zü erzelen, das nun dir also mit schlechten leeren worten wider einen solchen naturftigen bruch vnd erkentniß der menschen sol geuolget werden, mag nit erachtet sein, ia sprichstu der bapst mißbruchet daz vnd nimpt gelt drum, Mißbruchet er daz so düt er vnrecht, darumb sol aber das gebot nit abgethon werden, dan sunst wa der glauben mißbruchet würt, solt man den glauben auch abthün, vnd wa man den wein mißbruchet miest kein wein mer gebuwen werden.

Das wir aber frei seient zü fasten vnd essen was wir wellen, gefallet mir wol, doch mit dem vnderscheid, daz es mit demietiger vnd christlicher messigkeit an den bapst erfordret werd, vnd niemans das vß freuel selb vnderlasse.

Die feltkirchen abzühün ist wider das keiserlich recht, was ein mal gottes ist, sol nit mer in menschlichen bruch kummen, aber hin fürbaß keine mer lassen buwen, daran wolt ich ee sein, dan zü erstörung. Das aber [S³] die wunderwerck der teüffel dieg ist schühelich zü hören, so er doch kein wunderzeichen thün kan, dan wunderwerck zü thün allein got müglich ist, Das aber der tüffel auch kün wunderzeichen

thun, weist du vnß daz stant geschriben Mathey .xxxi. Cap. i. das ist war hinder dem offen stont die holzschü da sol sie der drucker finden, hastu aber geirret, das kan ich kum gelauben.

Wie kan man aber so vil frummen leüten nit gelauben die den wunderzeichen so dapffer kuntschafft geben, so doch in dem ewangelio stat Mathey .xviii. das in zweier oder dreier mund alle kuntschafft stande. Darumb redstu on alle geschriff, das nechst daz dir in willen kumpt.

Zwo reden bruchestu nachgonds, Die erst das der Papsst nach allem seinem vermügen, alle kirchen gleich freien, vnd eren sol, die ander sol er im nüt vorbehalten, die erst kan nit beston, die ander sol nit sein, alß wenig ein Keyser yederman freien sol, oder so vil er möchte geben, dan sant Paulus schreipt Ro. xv. Nun wil ich ziehen gon Hierusalem da dienen den heiligen, dan es habent Macedonia vnd Achaia angenummen ein samlung zü thun den armen heiligen die da seint zü Hierusalem dan es hat inen gefallen, vund seint ire schulden, dan seint die heiden irer geistlichen gaben deilhaftig worden, sollent sie inen billich in leiplichen notturfftigkeiten dienen. Wß dissen worten wil ich so fill ziehen, ie mer ein ort von der hauptkirchen vnd oberkeit geistlicher genaden entpfahet, sol das selbig ort weiters verpfflichtet sein in zeitlichem das zü verdienen vnd beschulden, vnd ie [S₃^b] mer es beschuldet vor andren geeret werden, dan gleich belonen vnd geben verdienten vnd vnverdienten, were ein abbruch alle tugenden zü ieben, zü latin cum agentur dona etiam rationes crescunt donorum, Das ist, so sich die gaben meren, sollendt sich auch billich meren dancksagung der gaben. Du schiltest aber den bapst hoch das er alß ein blindenfierer mit bieberei, das gelt der massen von den leüten schind vnd schab, vnd verdieg daz vnnützlich, da laß ich in vmb sorgen er ist schaffner, schafft er es dan nit wol, so fint er sein lon darumb, das schadet ob gott vñ nit.

Der betler halb das sie auch zü reformieren weren, lassent wir bei keiserlichem gesatz beleiben, de validis mendicantibus, das ist von krefftigen betleren gesehet. Aber der arbeit halb daz man nit missig gon gestatten sol, sie seien

geistlich oder weltlich, Ach got vom himmel daz es geschehe, die lantschelman kumment iez den mereren teil in die klöster das sie sich mit miesfiggon erneren, vnd nit von der selen seligkeit wegen, vnd wellent weder mit den henden noch mit vernunft arbeiten, seint wie die hummel die den arbeitamen binlin ire arbeit vnd honig fressen.

Darnach kumpstu vff den xxii. arti. die meß berierent daz stiftung der messen nit allein wenig nütz seient, sunder gottes zorn erwecken ober vns, Ich muß mein herz hie aber mit grosser bitterkeit vff brechen, vnd kurz ab teütlich mit dir reden, vnd setz vff ein ort alle priesterschaft, doctorat, müncheit orden, gelüpt, eid, verspruch, vnd wa mit ich möcht verpfflichtet sein, vnd wil allein ein frummer christ [S₄] sein, so hat mich mein vatter von ingent gelernet andacht zu der messen tragen, alß zu einer gedechtniß des leidens Cristi Jhesu vnseres herren, so lernen alle die in der heiligen gschriff den gemeinen christen berichten, daz die meß ein oppfer sey, für lebendig vnd dodten erschüßlich, der mehnung seint alle heiligen lerer, vnser bruch von den .xii. botten vff vns erwachsen. Nun lügt vnd gedendct ir oberkeiten des glaubens daz ir vns mit der warheit berichten in der sachen der messen halb, da dem christen man sein gröstes herz an ligt, dan wa daz nit geschehe, vnd würd an dem eincherley irrung erfunden, mög wol ermessen werden waz in andrem geschehen mag, Lügt vnd gedendct daz ir vch hie in der materij der messen nit sumen noch sparen, dan ir sehen das sich die nit sumen die vnseren andacht der heiligen messen widerfechten, versument ir aber vch so hapt vch den schaden, das red ich für mein christlich herz, vnd von wegen meinß vätterlichen gesatz, wan es luter regnete vnd schnüet, vnd sich alle Bischöff zu dodt stillschwigent, vff das der andacht der heiligen messen erlöschete dennocht bezüg ich mich mit diser meiner hantgshriff, das ich in vetterlicher lere des andachts der messen sterben wil von dieser welt, vnd in der betrachtung des leidens Cristi Jhesu selig beger zu werden.

Ich sag vch Bischöffen vnd oberkeiten zu, ob ir schon durch vwere finger sehen wolten vnd fileicht schweigen, ob ir vwere mentel, confirmation, bestetigung, pfrienden oder der

gleichen möchten fürbaß best leidlicher überkommen, für war, für war, vnd aber für war, entpfalt dem christen man da got vor sei, sein heilsamer andacht der heiligen messen, So ist es vmb vwere pfrienden, mentel mit den rücken gethon, vnd feierobent gemacht, da wißt vch nach zü richten, dan Luter spricht das die meß niemans nützlich sei, dan allein dem der sie lißt oder höret lessen, mögent ir das leiden vnd darzū stil schweigen, so mögt ir auch kißlingstein verdeüwen, da bei verstond was ir wellent, vnd gedencken das ich vch das gesagt hab.

Das aber die alten stiftt vnd thüm für des adels kinder seient erstiftet worden, ob ire elter sie in der welt nit möchten versehen, darin solten gethon werden, hie redt der heilig geist nit vß dir Luter, sunder du zühest dem adel zü dem du schreipst ein lindes jederlin vnder der nasen, dan du sprichst wir seient alle geistlichs stats, seint wir nun alle eines stats, warumb gipstu der edelleüt kinder die freiheit vor allen andren, du meinst filleicht das Cristus nür edelleüt in seinen höchsten thüm der .xii. botten genummen hab, alß du wilt sein ein redner der warheit ist dir das liebkojen vbel angestanden, doch so du daz vß der heyligen geschriff nit bewerejt, laß ich das für ein menschliche reden ston.

Daz auch niemans sol sil pfrienden haben daz ist ein alt gesaß, laß ich ston, des gleichen mit den brüderschafftten vnd das die bepftlichen botten mit iren faculteten vnnnd freiheit geben vß dem land soltend veriaht werden, sittenmal du darzū kein gschrifft bruchest, vnd dich daz lassent beduncken, gib ichs den richteren zü ermeßen, dan es auch [R.] den glauben nit betrifft.

Du begerst darnach das got des bapsts stül bald zerstör, vnd in abgrund der hellen sende, vnd gibst des vrsach Erstlich das er der war endcrist sei, zü dem andern, daz er zerstör, das got gebotten hab, zü dem dritten daz er dy tüttchen ler vnbestendig, meineidig, verreter, bößwicht trüwloß sein. Zü dem fierden du sprichst das in dem kehriichen decretal stand, daz sein der bapst macht hab, trüw vnd glauben vff zü lösen, des lieg er in sein halß, vnd fider als ein böser sathan, als er noch nie gelogen

hat. Zu dem fünfften, das er sich zu Rom in des tüffels nest, zu dem sechßten das der häpßlich gewalt nichts anders sei, dan die selen zu verdamniß führen. Zu dem .vii. begerstu daz cristus den iüngsten tag laß ynher brechen, dieses alles zu einer zerstörung. Ich sihe vnd greiff das du zornig bist, darum mir gebüren wil, kaltfinnig zusein, vff daz nit gesprochen werd, daz wir beid unsinnig sein, es ist zu vil mit dir. Vnd sag erstlich das du nit war redst, das der endcrift kumen sei nach dem anzögen cristi iesu vnserß herren. Zu dem andern, dem dritten, fierden vnd fünfften, all weil du nit anzögst, wa der bapst das thü, oder in welchen sachen, orten vnd enden daz stand oder beschehen sei, vnd vff in bewerst, müstu das erdichtet haben, vnd mit der vnwarheit im zu gelegt, dan solt es vff erdtreich darzu kumen vnd daz gestattet werden, vnd glaubt was ein ieder on alle bewerbung wider den andern, vß köhet, oder speuwet, so wer niemans mer seiner eren sicher. Sie malen den heiligen geist vff dein haupt, als ob er vß dir redte, [R¹,^b] erst lerne ich daz der heilig geist auch kan unsinige reden thun, doch sag ich darzu, wa du war retst, da ret on zweifel der heilig geist vß dir, dan alle warheit ist von got, wa du aber nit war retst, da ret sicher der tüffel vß dir, der ein vatter ist aller lügin. Darumb riet ich man mälte dir sie beid vff dein haupt, den heiligen geist vff ein seit, vnd den tüffel vff die ander seit, vnd die stat prag in die mitten. Darzu das du in heist liegen in sein feder vnd halß das kan von den edellüten zu den du schreibst, für kein cristliche messikeit verstanden werden. Ich liß von künig David, der auch ein edelman was, als sein vortar Saul von got des künigreichs entsetzt was, vnd er von got ein künig gesalbt, daz er dannocht mit worten oder wercken saul nie lehen wolt, so lang in got im ampt duldet. Also soltestu billichen so lang got den bapst in dem ampt duldet, ob er schon der bösest vff erden wer in tödlich weder mit worten oder wercken der massen vnd so schentlich schmehen, wüß daz mancher weiser man dir das in keinem güten empfangen hat, doch sol dir zügelassen werden in züschenden vnd an seinen eren zulegen, so erfordert die not vnd das natürlich recht die gegen wer daz man in laß zu

verhör kumen, vnd sich verantwurten, ob er schon der tüffel selb wer sol man im dannocht günstiger sein dan dir, dan in allen zweiffen anklagen, solt dem antwurter me günstiget werden dan dem anklager, vnd alle weil sich der bapst nit verantwort hat, würt dein anklag billich als von einer parthen gethon, zweiffelhafftig erachtet. Zü dem sechsten ist das ganz nit war, aber was bepftlicher gewalt ist [R₂] hab ich gesagt in dem büch von dem bapstenthüm. Zü dem sibenden wil dir gar nit gebüren die zeit zu gahen vnd sürkumen von got zü begeren die er im in seiner sürsichtigkeit verordnet hat, du möchtest sunst begeren, das der ostertag vff die weinachten kem, so wer kein fasten me, wer wolt dan die hering essen, zü latin (Nam stultum est petere quod potest iure negari).

Das man aber den feinden sol glauben halten, daz ist war, so fer sie sich auch geleitlich vnd gleublich halten, dan wa sie glaubenbrüchig würden, als dan solt man inen billich auch kein glauben halten. Aber meister Hanß huß, Hieronimus der böhemen botschafft in das concilium gen Constenz haben sich nit geleitlich gehalten, dan sie dem concilio versprochen haben nüt zü ernüvern in dem glauben, biß sie ein endlichen beschluß von dem concilio empfiengen, das haben die Böhem nit gehalten, sunder ire seck vnd irrung angefangen ee vnd die botschafft ist in daz concilium kumen. Meister hanß Huß hat sich auch des also verantwort daz er kein schuld daran hab, so nun daz geleid des reichs gewesen ist, vnd es hat kein glauben gehalten noch verspruch, warum wolt man dan inen glauben halten. Wa haben die böhem ire trüw vnd glauben gehalten, dan sie in eidßkrafft iren eignen rat gethon haten, als sie die frumen tütschen rathherren in die spieß empfiengen ir eigen landfolt. Nun wiltu aber daz concilium also hoch schenden, daz es kein glauben hab gehalten, da mit machstu des huffen sach nit dest besser, dan so einem mörder ein geleit wer gegeben, vnd nit gehalten, bleibt er nicht [R₂^b] dest minder ein mörder, wie fast doch die vnrecht theten die daz brechen. Aber die von des huffen geleit warum es billich nit ist gehalten worden, soltu bald in einem andern büch bericht werden.

Nach gondts hastu vil vnnützer sorgen, vnß vnd die böhemer zü vereinigen, ich möcht leiden daz es gescheh, doch nit durch deine mittel so du fürschlecht. Aber daz riet ich, wa sie wolten glauben vnd halten als alle andere cristen vff erden, deren on zal vil sein, so sein sie vnß wilkum, alß herz liebe cristliche brüder, wa sie aber das nit wolten thün, wöllen wir lieber vnd rechtlicher auch göchtlicher bei dem größern huffen bleiben, dan zü inen vereinigen, vnd von dem merern theil der cristenheit abjündern.

Vnd vff daz ich doch ein mal zü einem end kum, laß ich die reformationes der vniuersiteten vnd schülen, beider rechten, der theologen, leren der kinder, vberfluß der tütschen nationen, von der spegerei, auch des iuders, kauffmanischag, zinz zükauffen, mißbruch in essen vnd trincken, oder das nit offene frauwen heißer sollen sein, alles fallen als menschliche hendel vnsern glauben gar nichts betreffen, vnd wil daz den regenten besolhen haben züregieren.

Bejchluff.

Ich fer ick wider zu vch ir großmechtigen durchlüchtigen hoch vnd wol gebornen strengen erten notseften frumen edel lüt vnserß vetterlichen tütschen lands, mit ermanung der dapfferkeit euwerer elter, vnd eerlichen [R₃] namens vnd adelichen harkumens, daz ir euch die liebe, cristi vnserß herren, vnd euwers vätterlichen gesag durch kein mißuerstand lasen in euwerm herzen erlöschen von wegen der ewigen selikeit, die wir mit üch von got erwarten nit leichtlich durch ernüwerung lasen in einen vnglauben füren, sunder als ir in krafft euwers adelichen harkummens verpfflicht sein, vnsern glauben, versecten beschützen vnd beschirmen, das recht vnd die billikeit, in disem bundschü ermessen, doctor Luter nit in allen dingen glauben, der euch alle euwers adelichen stats beraubt hat, vnd zü pfaffen gemacht, ansehen wöllen daz der vffrüren gleich vor me geschehen sein, vnd eben in solchen articklen, ist aber alwegen der cristlich glaub für gangen, vnd sein solch nünv vnd erdichte menschliche sünd zertrent worden vnd vndergangen mit grossem schaden vnd schanden, deren die solche zwittracht

erweckt hetten. Wil dabei nit verleugnet haben, daz doctor Luther in allen dingen vnrecht hab vnd die vnwarheit geret, sunder in fillen dingen nit vngeſchickt erfunden würt, allein in dem des aller höſten geſchuldiget, daz er die warheit mit der vnwarheit vnd mit gifft also böß listig vermiſchet hat, das ein vor dem andern nit mag noch kan von den einfaltigen cristen verstanden werden, auch dabei daz er sein edel kunst vnd vernunfft, vnd die heilig geſchriſt mißbrucht zü einem vffrürigen vnd vnſridſamen auch vncriſtlichen end durch euch als die houptlüit vnd fürtrefflichſten die andern armen ſcheklin criſti in einen vnglauben zü verführen. Geben dabei euern gnaden in demütiger criſtlicher gehorſam vnſer eigene [R.³ b] vnwiſſenheit zü verſton das on ſellen in diſem eilenden ſchreiben in dem wir dem walbwasser, vnd dem ſollen rein hand wöllen entgegen mag erfunden werden, das villeicht billich auch mag geſtrafft werden, dan die vnbeſunnen eyl iſt dick ein müter der irrung, darum wir vnſere geſchriſt vnderwürfflich machen nit allein der oberkeit vnſers glaubens, sunder auch euereu gnaden vnd einem yeden vnß beſſers lernen vnd berichten kan, dan wir der hoffart gar nit ſein, daz wir vnß ſchampten von iemans zü lernen, das wir nit wiſten, oder vß ſchelligem zorn vnſere irrung zü verlaſſen. Vnd darzū wa wir doctor Luter den wir für ein gelerten man halten, wa er ſein kunst nit zü einem böſen end bruch für ein glori vnd eer des tütschen landz, etwas zü gelegt hetten, das nit ſeiner meinung wer oder ſeins güten verſtands, wöllen wir brüderlich, und von herzen gern ſeiner declaration ſton, vnd mit vnſerm ſchreiben in nit weiters dan verurſacht haben ſich baß zü erkleren, das ſolche declaration bei criſtlichem verſtand mög bleiben, dan wir ie lieber ſein (als eins tütschen) eer vnd leben füdern wolten dan ſein ſchand vnd tod procurieren. Es iſt ie grüntlich vnſere meinung, daz wir ſein lang leben gern ſehen, doch ſeine vereinigung, ſo mit beſtlicher heilikeit und gemeiner cristen begeren, raten vnd bitten durch dy götliche einikeit vnd Friden des criſtlichen glaubens. Wa er aber ie vnſern brüderlichen gunſt verachtet, ſich gegen vnß ſperret, wöllen wir billich von im leiden vnd gern, das er in criſtlicher meſſikeit vnd in gleichem ſchreiben vnd ſal vnß ent-

gegne nach allem seinem [R₄] gefallen, da mit vnserer repliken erwarten sein vnd gegen red, das euwere gnaden vß solcher red vnd widerred die warheit ermesß, ergründ vnd des vßspruchs erwart, got geb von wem der geschehe der sein gewalt hat. Würd aber ie doctor Luther gegen vnß als er pflegt seinen zornigen kopff vnder ston zü bruchen, vnd vnß geweltlich wörtlin, mag euwer gnad erkennen das billicheit erfordre im nach gelegenheit zü entgegnen, es ist doch noch vndas vmb den ersten wurff zü thun, vnd ligt die kugel noch nit an irem rechten ort. Das sich aber dieses büchlinß niemans zü beklagen hab, als eins schmachbüchlinß on ein namen geschriben. Ist dem gnedigen fürsten vnd herren einem bischoff von Straßburg der nam des makers vnd sein person bekant. In zü eröffnen wa es sein gnad noturfftig erkent .xc.

Censores.

Getruckt von Johanne Grieninger in dem iar Tausent CCCC. Vnd xx. Vff den Cristabent mit Keiserlichem Priuilegium, in einem iar niemans nachtrucken sol .xc.





An den Groß/
mechtigsten vñ

Surchlächtigste adel tües
scher nation Das sye den
Christlichen glauben bes
schirmen / wyder den
zerstörer des glaubens
Christi / Martinū
luther einē bfe
rer der einfel
tīgē Christē.

Von dē teutschen adel
 Dem aller durchlüchtigsten
 Großmechtigsten fürsten/vñ Herren/Herñ Ka
 rolo. erweltẽ römischen keiser/ Hispanis
 scher vnd .æ. maiestadt. æ.



Archlüchtiger großme

chtiger fürst vnd her/Ke. ist von vrsprung
 des römischen reichs/ des du ietz durch gods
 fürsichtigkeit ein friedfamer keiser/vñ gebie
 ter erwelet vnd gesalbet bist / solches dein reich von of
 fenliche findē nie schädlicher angefochten worden / dar
 ietz zu disen zeiten. Syttenmal dz Catilina (ich mein
 doctor Martinū luther) ist vō den todten erwecket wid
 zu menschlichem leben kummen / vnd dar die aller ed
 listen gemiet dein s reichs zu burgerlichen vffruren vnd
 nidergang ihres eignen vatterlands erwecken/ den vater
 ter wyder seine kind/brüder gegen brüderen/vnderthor
 nen zu gegen irer oberkeit / alle ding der massen zu ver
 wicklen vnd vermischen/das weder bapst/keiser/künig/
 bischoff/bader/oder sūwhirt nit mer sollent vndersche
 det werden / ein vngewone sach allenthalben / wo güte
 sitten/berden/zucht/ere/ordenung/fried/fröd/vñ mit
 auch alles wolfare sollent geiebet vñ gehalten werde. Dr
 vff dz solches deß schädlicher vñ dstandē werd/wirt vn
 ser christlicher glaub für ein deckmärel fürgewendet/als
 ob sich solche vffrur/ernüwerung/vñ vwendung/in kraft
 christliches glaubes gebürē welle zu thun vñ vñdston/de

DATE

213223
PT 1749
G8

UNIVERSITY OF B.C. LIBRARY



3 9424 02281 7404

DISCARD

